



李義山集目錄

集上

錦瑟

重過聖女祠

寄羅劬輿

令狐舍人說昨夜鹵掖翫月因戲贈

崔處士


自喜

題僧壁

霜月

異俗二首

歸墅



和孫朴韋蟾孔雀詠
人欲

舉山顯王母廟

商於

華清宮

楚澤

蟬

江亭散席循柳路吟歸官舍

潭州

贈劉司戶蕢

哭劉司戶二首

悼傷後赴東蜀辟至散關遇雪

樂遊原

北齊二首

街鹵池館

南朝

復京

鄠杜馬上念漢書

柳

渾河中

巴江柳

咸陽

同崔八詣藥山訪融禪師

聞著明凶問哭寄飛卿



聽鼓

送崔珏往西川

代贈

桂林

夜雨寄北

陳後宮

屬疾

石榴

明日

飲席戲贈同舍

鹵溪

憶梅

贈柳

詭柳

北禽

初起

楚宮

柳

石城

韓碑

令狐八拾遺綯見招送裴十四歸華州

離息

宿駱氏亭寄懷崔雍崔衰

風雨

夢澤

贈歌妓二首

謝書

寄令狐學士

酬令狐郎中見寄

七月二十八日夜与王鄭二秀才聽雨後夢作

寄令狐郎中

漫成三首

無題

一云陽城

槿花二首

哭劉蕢

杜司勳

荆門鹵下

碧瓦

蝶

蠅蝶雞麝鸞鳳等成篇

韓翃舍人即事

公子

子初全溪作

楊本勝說于長安見小男阿衰

鹵溪

柳下暗記

妓席

少年

義山目錄

無題

玄微先生

藥轉

岳陽樓

寄成都高苗二從事

岳陽樓

越鷺二首

杜工部蜀中離席

隋宮

二月二日

籌筆驛

屏風

春日

武侯廟古柏

風

卽日

九成宮

少將

詠史二首

無題二首

漢宮詞

無題四首

赴職梓潼畱別良之員外同年

桂林路中作

義山目錄

無題

蝶三首

無題二首

王十二兄與臧之員外相訪見招小飲時予以悼亡日近不忝因寄

隋宮

落花

月

贈宗魯筇竹杖

坐柳

曲池

代應二首

席上作

訪隱者不遇成二絕

破鏡

無題

贈庾十二朱版

李花

柳

三月十日流栢亭

過招國李家南園二首

畱贈臧之三首

為有

無題

碧城三首

對雪二首

蜂韻吳文三首

公子園李不南園二首

賦得雞

明神

辛未七夕

壬申七夕

壬申閏秋題贈烏鵲

端居

夜半香不盡

玉山

張惡子廟

雨

菊

牡丹

北樓

擬沈下賢

蠓

飲席代官妓贈兩從事

代魏宮私贈

代元城吳令暗為答

牡丹

百果嘲櫻桃

義山月錄

櫻桃答

曉坐

詠史

一片

日射

顯鵝

華清宮

梓潼望長卿山至巴鹵復懷譙秀

齊宮詞

十一月中旬至扶風界見梅花

青陵臺

東遷

酬崔八早梅有贈兼示之作

春風

蜀桐

漢宮

判春

促漏

江東

讀任彦升碑

荷花

五松驛

灞岸

送臻師二首

七夕

謝先輩防記念拙詩甚多異日偶有此寄
馬嵬二首

可歎

望喜驛別嘉陵江水二絕

別薛巖賓

富平少侯

腸

贈字文中丞

曉起

閨情

月夕

杏花

鐙

清河

鞭

追代盧家人嘲堂內

代應

離亭賦得折楊柳二首

寄永道士

華州周大夫謨席

荆山

次陝州先寄源從事

過鄭廣文舊居

東下三旬苦于風土馬上戲作

莫愁

夢令狐學士

涉洛川

有感

宮妓

宮辭

代贈二首

楚吟

瑤池

柳

寄在朝鄭曹獨孤李四同年

集中

南朝

題漢祖廟

韓冬郎即席為詩相送一座盡驚他日余方

追吟連宵侍坐徘徊久之句有老成之風

因成二絕寄酬兼呈畏之員外

評事翁寄賜餉粥走筆為答

東阿王

聖女祠

獨居有懷

過景陵

臨發崇讓宅紫薇

及第東歸次灞上却寄同年

野菊

板橋曉別

過伊僕射舊宅

關門柳

酬別令狐補闕

銀河吹笙

與同年李定言曲水閣話戲作

彭城公薨後贈杜二十七勝李十七潘二君

竝與愚同出故尚書安平公門下

聞歌

贈華陽宋真人兼寄清都劉先生

楚宮二首

和友人戲贈二首

題二首後重有感贈任秀才

有感二首

重有感

壽安公主出降

夕陽樓

春雨

中元作

鴛鴦

楚宮

妓席暗記送同年獨孤雲之武昌

宿晉昌亭聞鶯禽

溪宮

明禪師院酬從兄見寄

寄裴衡

即日

淮陽路

崇讓宅東亭醉後沔然有作

晚晴

迎寄韓魯州詹同年

武夷山

一片

寄成都高苗二從事

鄭州獻從叔舍人褭

鹵南并却寄相送者

四皓廟

題白石蓮花寄楚公

安定城樓

隋宮守歲

利州江潭作

即日

相思樹上

茂陵

鏡檻

送鄭大台文南觀

風

洞庭魚

天涯

喜舍弟義叟及第上禮部魏公

哀箏

自南山北歸經分水嶺

舊頓

代董秀才却扇

有感

驪山有感

別智玄法師

贈孫綺新及第

代祕書贈弘文館諸較書

亂石

日日

過楚宮

龍池

淚

十字水期韋潘侍御同年不至時韋寓居水

次故郭汾陽宅

流鸞

出關宿盤豆館對叢蘆有感

和韓錄事送宮人入道

即日

聖女祠

七月二十九日崇讓宅謨作
贈從兄聞之

吳宮

嫦娥

殘花

天津函望

鹵亭

憶匡一師

昨夜

海客

初食筍呈座中

早起

寄蜀客

行至金牛驛寄興元渤海尚書

溪樹見一顆櫻桃尚在

細雨

歌舞

海上

魏侯第東北樓臺郢舫言別聊用書所見成

篇

白雲夫舊居

同學彭道士參寥

到秋

華師

率嶽下頭鹵王母廟

過華清內殿門

樂遊原

贈荷花

丹丘

房君珊瑚散

小桃園

嘲櫻桃

和張秀才落花有感

代越公房妓嘲徐公主

代貴公

鳳

昭肅皇帝挽歌辭三首

梓州罷吟寄同舍

無題二首

病中早訪招國李十將軍遇挈家遊曲江

昨日

櫻桃花下

故驛迎弔故桂府常侍有感

槿花

算秋獨游曲江

任弘農尉獻州刺史乞假歸京

贈勾芒神

無愁果有愁曲北齊歌

房中曲

齊梁晴雲

效徐陵體贈更衣

又效江南曲

月夜重寄宋華陽姊妹

訪人不遇留別館

雨中長樂水館送趙十五滂不及

汴上送李郢之蘇州

贈鄭讜處士

復至裴明府所居

覽古

子初郊墅

漢南書事

當句有對

井絡

寫意

隨師東

宋玉

韓同年新居餞韓鹵迎家室戲贈

奉和太原公送前楊秀才戴兼招楊正字戎

池邊

賈生

送王十三校書分司

寄惱韓同年時韓住蕭洞二首

謁山

釣天

失獲

戲顯友人壁

假日

寄遠

王昭君

舊將軍

曼倩辭

所居

高松

訪秋

昭州

哭劉司戶蕢

裴明府居止

陸叟荆南始至商洛

陳後宮

樂遊原

贈子直花下

小園獨酌

息齋

獻寄舊府開府公

向晚

春游

離席

俳諧

細雨

商於新開路

題鄭大有隱居

夜飲

江上

涼息

鸞鳳

李衛公

韋蟾

自貶

蝶

夜意

因書

奉寄安國太師兼簡子蒙

閑遊

縣中惱飲席

題李上暮僻

江邨題僻

即日

漫成五章

射炙曲

日高

宮中曲

海上謠

李夫人三首

景陽宮井雙桐

秋日晚息

春宵自遣

七夕偶題

靈山閣晚眺寄鄆州韋評事

幽居冬暮

過姚孝子廬偶書

贈得月巽冰池八韻

永樂縣所居一州一木無非自栽今春悉已

芳茂因書即事一章

南潭上亭謨集以疾後至因而抒情

寒食行次冷泉驛

寄華嶽孫逸人

戲題贈稷山驛吏王全

和韋潘前輩七月十二日夜泊池州城下先

寄李使君

花下醉

所居永樂縣久旱縣宰祈禱得雨因賦詩

集下

正月十五夜聞京有鐙恨不得觀

贈趙協律哲

搖落

滯雨

偶題二首

月

夜冷

正月崇讓宅

城外

撰彭陽公誌文畢有感

北青蘿

戲贈張記書

幽人

念遠

過故崔亮海宅與崔明秀才話舊因寄舊僚

杜趙李三掾

微雨

南山趙行軍新詩盛稱游護之洽因寄一絕

曲江

景陽井

故番禺侯以贓罪致不辜事覺母者他日過

其門

詠雲

夜出鹵溪

效長吉

栲

九月於東逢雪

四皓廟

送阿龜歸峯

九月與吳公湖乘舟不事車馬母告出日歸

僧院牡丹

贈司勳杜十三員外

高花出於軍條言如兩朝魏之合因青一歸

朝栲

送鄴都李尉

天平公座中呈令狐令公時蔡京在坐京曾

為僧徒故有第五句

江上憶嚴五廣休

餞席重送從妹余之梓州

訪隱

寓興

東南

歸來

子直晉昌李花

河清與趙氏昆季讌集得擬杜工部

寓目

顯道靖院院在中條山故王顏中丞所置號

州刺史捨官居此今寫真存焉

賦得栲李無言

登霍山驛樓

寄和水部馬郎中顥興德驛

顥小柏

行次昭應縣道上送戶部李郎中充昭義攻

討

水齋

奉同諸公顥河中任中丞新勅河亭四韻之

東作

過故府中武威公交城舊莊感事

贈田叟

贈別前蔚州契苾使者

和人顥真孃墓

人日即事

春日寄懷

和劉評事永樂閭居見寄

和馬郎中移白菊見示

喜聞太原同院崔侍御臺拜兼寄在臺二三

同年之什

喜雪

柳枝五首

蕩臺詩四季四首

贈送前劉五經映三十四韻

河內詩二首

哭遂州蕭侍郎二十四韻

送千牛李將軍赴闕五十韻

詠懷寄祕閣舊僚二十六韻

戊辰會靜中出貽同志二十韻

和鄭愚贈汝陽王孫家箏妓二十韻

憶雪

殘雪

大鹵平後移家到永樂縣居書懷十韻寄劉

韋二芮輩二公嘗於此縣寄居

河陽詩

自桂林奉使江陵途中感懷寄獻尚書

送從翁從東川弘農尚書幕

李肱所遺画松詩書兩紙得四十韻

戲題樞言艸閣三十二韻

偶成轉韻七十二句贈四同舍

上杜僕射

五言述德抒情詩一首四十韻獻上杜七兄

僕射相公

嬌兒詩

行次鹵郊作一百韻

井泥四十韻

新添集外詩

疲息

息賢頓

無題

有懷在蒙飛卿

春溪脫衣

懷求古翁

五月六日疲憶往歲秋与澈師同宿

城上

如有

朱槿花

寓懷

木蘭

細雨成詠獻尚書河東公

病中聞河東公樂營置酒口占寄上

回中牡丹為雨所敗二首

擬意

謝往桂林至彤庭竊詠

燒香曲

送從翁東川弘農尚書幕

晉昌晚歸馬上贈

哭虔州楊侍郎虞卿

寄太原盧司空三十韻

安平公詩

赤薜

坐柳

清夜怨

定子

李義山集目錄

終

李義山集上

錦瑟

錦瑟無端五十絃一絃一柱思華年莊生曉夢迷蝴蝶望帝春心託杜鵑滄海月明珠有淚藍田日暖玉生煙此情可待成追憶一作憶只是當時已惘然

重過聖女祠

白石巖扉碧蘚滋上清淪謫得歸遲一春夢雨常飄瓦盡日靈風不滿旗萼綠華來無定所杜蘭香太未移時玉郎會此通仙籙一作憶向天階問紫芝

寄羅劭輿一作興

棠棣黃花發忘憂碧葉齊人閒微病酒萼重遠兼泥混沌何由鑿青冥未有梯高陽舊徒侶時復一相攜

令狐舍人說昨夜鹵披翫月因戲贈

昨夜玉輪明傳聞道一作近太清涼波衝碧瓦曉暈落金莖
露索秦宮井風絃漢殿箏幾時絲竹頌擬薦子虛名

崔處士

真人塞其內夫子入於機未肯投竿起惟歡負米歸
雪中東郭履堂上老萊衣讀遍先賢傳如君事者稀

自喜

自喜蝸牛舍兼容鷲子巢綠筠遺粉籜紅葉綻香苞
虎過遙知弄炙來且佐庖慢行成酪酏隣壁有松膠一作膠

顯僧壁

捨生求術有肯蹤乞腦剗身結願重大太便應欺粟
顆小來兼可隱鍼鋒蚌胎未一作未滿息新桂琥珀初成

憶舊松若信貝多真實語三生同聽一樓鍾

霜月

初聞征雁已無蟬百尺樓南水接天青女素娥俱耐
冷月中霜裏鬪嬋娟

與俗二首

時從事嶺南

鬼瘡朝朝避春寒痲痲添未驚雷破柱不報水齊一作廢
欄席箭侵膚毒灸鈎刺骨銛鳥言成謀詐多是恨彤檐

其二

戶盡懸秦網家多事越巫未曾容獺祭只是縱豬都
點對連鰲餌搜求縛帛符賈生兼事鬼不信有洪鑪

歸墅

行李踰南極旬時到舊鄉楚芝應徧紫鄧橘未全黃

渠濁邨春急旗高杜酒香故山歸寢喜先入讀書堂

和孫朴韋蟾孔雀詠

此太三梁遠今來萬里攜鹵施因網得秦客一作被花
迷可在青鸚鵡非關碧野雞約眉憐翠羽刮膜想金
錕瘴氣籠飛遠蠻花向坐低輕于趙皇后貴極楚懸
黎都護矜羅幕佳人炫繡袿屏風臨燭釵捍撥倚香臍
舊思牽雲葉新愁待雪泥愛堪通夢寐一作盡得不端
倪地錦排蒼雁簾釘鏤白犀曙霞星斗外涼月露盤鹵
妒好休誇舞經寒且少啼紅樓三十級穩穩上丹梯

人欲

人欲天從竟不疑莫言圓蓋便無私一作秦中已久烏
頭白卻是君王未備知

華山顯王母廟

蓮花峰下鑠彫梁此太瑤池地莫長好為麻姑到東
海勸栽黃竹莫栽桑

商於

商於朝雨霽歸路有穉光背塢後收果投巖麝退香
建瓴真得勢橫戟豈能當割地張儀詐謀身綺季長
清渠州外月黃葉廟前霜今日看雲意依依入帝鄉

華清宮

華清恩幸古無倫猶恐蛾眉不勝人未免被他褒女
笑只教天子暫蒙塵

楚澤

夕陽歸路後霜野物聲乾集鳥翻渙艇殘虹拂馬鞍

劉楨元抱病虞寄數辭官白袷經年卷鹵來及早寒

蟬

本后高難飽徒勞恨費聲五更疎欲斷一樹碧無情
薄宦梗猶汎故園蕪已平煩君最相警我亦舉家清

江亭散席循柳一作柳路吟歸官舍

春詠敢輕裁銜辭入半栝已遭江映柳更被雪藏梅
寡和真徒爾躬憂動即來從詩得何報唯感一作看二毛催

潭州

潭州官舍算樓空今古無端入望中湘淚淺深滋竹
色楚歌重疊怨蘭鼓陶公戰艦空灘雨賈傳承塵破
廟風目斷故園人不至松醪一醉與誰同

贈劉司戶賁

江風揚浪動雲根重碇危檣白日昏已斷驚鴻初起
勢更驚騷客後歸魂漢廷急詔一作召誰先入楚路高一作萬
歌自欲翻萬里相逢歡復泣鳳巢鹵隔九重門山木

哭劉司戶二首

離居星歲易失望死生分酒甕凝餘桂書籤冷舊芸
江風吹雁急山木帶蟬曛一叫千迴首天高不為聞

其二

有美扶皇運無誰薦直言已為秦逐客復作楚冤魂
湓浦應分派荆江有會源併將添恨淚一洒問乾坤

悼傷後赴東蜀辟至散關遇雪

劍外從軍遠無家與寄衣散關三尺雪迴夢舊鴛機

樂遊原

一本無原字

向晚意不適驅車登古原夕陽無限好只是近黃昏

北齊二首

一笑相傾國便一作堪何勞荆棘始悲一作堪傷小蓮玉體橫
陳旻已報周師入晉陽

其二

巧笑知堪敵萬機傾城最在著戎衣晉陽已陷休迴
顧更請君王獵一圍

街鹵池館

白閣他年別朱門此夜過疎簾留月魄珍簟接煙波
太守三刀夢將軍一箭歌國租容客旅香熟玉山禾

南朝

玄武湖中玉漏催雞鳴埭口繡襦迴誰言瓊樹朝朝

見不及金蓮步步來敵國軍營漂木梯一作棟前朝神廟

鑊煙煤滿宮學士皆蓮一作顏色江令當季只費才

復京

虜騎胡兵一戰摧萬靈迴首賀軒臺天教李令心如
日可要昭陵石馬來

鄴杜馬上念漢書一云五陵懷古

世上蒼龍種人間武帝孫小來唯射獵興罷得乾坤
渭水天開苑咸陽地獻原英靈殊未已丁傳漸華軒

柳

動春何限葉撼曉幾多枝解有相思否應無不舞時
絮飛藏皓蝶帶弱露黃鸝傾國宜通體誰來獨賞眉

渾河中

九廟無塵八馬迴奉天城壘長春落咸陽原上英雄
骨半向君家養馬來

巴江桺

巴江可憺桺桺色綠侵江好向金鑾殿移陰入綺窗

咸陽

咸陽宮闕鬱嵯峨六國樓臺豔綺羅自是當時秦一作天

帝醉不關天一作秦地有山河

同崔八詒藥山訪融禪師

其受征南不次恩報恩唯是有忘言巖花澗艸鹵林

路未見高僧且見後

聞著明凶問哭寄飛卿

管歎讒銷骨今傷淚滿膺空餘雙玉劍無復一壺冰

江勢翻銀漢一作樂天文露玉繩何因攜庾信同太哭徐陵

聽鼓

城頭疊鼓聲城下算江清欲問浚陽慘時無禰正平

送崔珣往鹵川

年少因何有旅愁欲為東下更鹵遊一條雪浪吼巫

峽千里火雲燒益州上肆至今多寂寞酒壚從古擅

風流浣花牋紙桃花色好好顯詩詠玉鈎

代贈

楊桺路盡處芙蓉湖上頭雖同錦步障獨映鈿箜篌

鴛鴦可羨頭俱白飛太飛來煙雨蘊

桂林

城窄山將壓江寬地其浮東南通絕域鹵北有高樓

神護青楓岬龍移白石湫殊鄉竟何禱簫鼓不曾休
夜雨寄北

君問歸期未有期巴山夜雨漲秋池何當共翦西窗
燭卻話巴山夜雨時

陳後宮

茂苑城如畫閭門瓦欲流還依水光殿更起月華樓
侵夜鸞開鏡迎冬雉獻裘從臣皆半醉天子正無愁

石榴

許靖猶羈宦安仁復悼亡茲辰聊屬疾何日免殊方
秋蜨無端麗寒花更不香多情真命薄容易即迴腸

石榴

榴枝婀娜榴實繁榴膜輕明榴子鮮可羨瑤池碧桃

樹碧桃紅頰一千季

明日

天上參旗過人間燭焰銷誰言整雙履便是隔三橋
知處黃金鑲曾來一作求碧綺寮凭闌明日意池濶雨蕭蕭

飲席戲贈同舍

洞中屐響省分攜不是花迷客自迷珠樹重行憐翡
翠玉樓雙舞羨鷓鴣雞蘭迴舊藥屏綠綵綉新香和
壁泥唱盡關山無限疊半枯松葉凍頗黎

鹵溪

近郭鹵溪好誰堪笑酒壺苦吟防柳暉多淚恹楊朱
野鶴隨君子寒松揖一作揖大夫天涯長病意岑寂勝歡娛

憶梅

定定住一作任天涯依依向物華寒梅最堪恨長作去年花

贈柳

章一作帝臺從掩映一作即路更參差見說風流極來當婀娜時
橋迴行欲斷堤遠意相隨忍放花如雪青樓撲酒旗

詠柳

已帶黃金縷仍飛白玉花長時須拂馬密處少藏鴉
眉細從他斂膏輕莫自斜玳梁誰道好偏擬映盧家

北禽

為戀巴江暖無辭瘴霧蒸縱能朝杜宇可得值蒼鷹
石小虛填海蘆一作盧銛未破增知來有乾鶴何不向雕陵

初起

想像咸池日欲光五更鍾後更迴腸三年一作干苦霧巴

江水不為離人照屋梁

楚宮

複壁交青鎖重簾挂紫繩如何一柱觀不礙九枝鐙
扇薄常規月釵斜只鏤冰歌成猶未唱秦火入夷陵

柳

柳映江潭底有情望中頻遣客心驚巴雷隱隱千山
外更作章臺走馬聲

石城

石城誇窈窕花縣更風流一作水將飄枕簾烘不隱
鈎玉童收疲鑰金狄守更籌共笑鴛鴦綺鴛鴦兩白頭

韓碑

元和天子神武姿彼何人哉軒與義誓將上雪列聖

恥坐法宮中朝四夷淮鹵有賊五十載封狼生羆羆
生羆不據山河據平地長戈利矛日可麾帝得聖相
相曰度晏子春秋仲尼聖相賊斫不死神扶持鬻懸相印作都統陰
風慘澹天王旗愬武古通作身爪儀暫外郎載筆隨
行軍司馬智且勇十四萬眾猶虎豹入蔡縛賊獻太
廟功無與讓恩不訾帝曰汝度功第一汝從事愈宜
為辭愈拜稽首蹈且舞金石刻畫臣能為古者世稱
大手筆此事不繫于職司當仁自古有不讓言訖屢
頷天子頤公退齋戒坐小閣濡染大筆何淋漓點竄
堯典舜典字塗改清廟生民詩文成破體書在紙清
晨拜拜鋪丹墀表曰臣愈昧死上詠神聖功書之碑
碑高三丈字如手負以靈鼈蟠以螭句奇語重喻者

少讒之天子言其私長繩百尺拽碑倒麓砂大石相
磨治公之斯文若元氣先時已入人肝脾湯盤孔鼎
有述作今無其器存其辭嗚呼聖皇及聖相相与烜
赫流淳熙公之斯文不示後曷与三五相攀追願書
萬本誦萬過口角流沫右手胝傳之七十有三代呂
為封禪玉檢明堂基

令狐八拾遺絢見招送裴十四歸華州

二十中郎未足稀驪駒先自有光輝蘭亭讌罷方回
太雪疲詩成滄蘊歸漢苑風煙催客夢雲臺洞穴接
郊扉嚙余久抱臨邛渴便欲因君問釣磯

離思一本無思字

氣盡前溪舞心酸子夜歌峽雲尋不得潯水欲如何

朔雁傳書絕湘篁深淚多無尋見顏色還自託微波
宿駱氏亭寄懷崔雍崔衰

竹塢無塵水檻清相思迢遞隔重城秋陰不散霜飛
晚留得枯荷聽雨聲

風雨

淒涼寶劍篇羈泊欲窮年黃葉仍風雨青樓自管絃
新知遭薄俗舊好隔良緣心斷新豐酒消愁斗幾千
夢澤

夢澤悲風動白茅楚王葬盡滿城嬌未知歌舞能多
少虛減宮廚爲細膏

贈歌妓二首

水精如意玉連環下蔡城危莫破顏紅綻櫻桃含白

雪斲腸聲裏唱陽關

其二

白日相思可一作不奈何嚴城清夜斷經過只知解道春
來瘦不道春來獨自多

謝書

微意何曾有一毫空攜筆硯奉龍韜自蒙半夜傳衣
後不羨一作美王祥得佩刀

寄令狐學士

祕殿崔嵬拂彩霓轉司今在殿東鹵賡歌太液翻黃
鵠從獵陳倉獲碧雞曉飲豈知金掌迴夜吟應訝玉
繩低鈞天雖許人間聽閶闔門多夢自迷

酬令狐郎中見寄

望郎一作郡臨古郡佳句灑丹青應自工遲宅仍過柳暉
汀封來江渺渺信太雨冥冥句曲聞仙訣臨川得佛
經朝吟揜客枕夜讀漱僧竝不見銜蘆雁空流腐艸
螢土互悲坎一作次井天怒識雷霆象卉分疆近蛟涎漫
岬腥補羸貪紫桂負氣託青萍萬里懸離抱危於訟
閣一作閤鈴

七月二十八日夜与王鄭二秀才聽雨後夢作
初夢龍宮寶焰燃瑞霞明麗滿晴天旋成醉倚蓬萊
樹有箇仙人拍我肩少頃遠聞吹細笛一作管聞聲不見隔
飛煙逡巡又過瀟湘雨雨打湘靈五十絃瞥見馮夷
殊悵望鮫綃休賣海為田亦逢毛女無慘極龍伯擊
將華岳蓮恍惚無倪明又暗低迷不已斷還連覺來

正是平階雨獨背寒鐙枕手眠獨一作未

寄令狐郎中

嵩雲秦樹久離居雙鯉迢迢一紙書休問梁園舊賓
客茂陵秋雨病相如

漫成三首

不妨何范盡詩家未解當年重物華遠把龍山千里
雪將來擬竝洛陽花

其二

沈約憐何遜延年毀謝莊清新俱有得名譽底相傷

其三

霧夕詠芙蓉何郎得意初此時誰最賞沈范兩尚書

無題陽城

白道縈一作榮迴入暮霞班
騅嘶斷七香車
春風自共何人笑
枉破陽城十萬家陽城一作洛陽

槿花二首

驚體傷風力
雞香積露文
殷鮮一相雜
唬笑兩難分
月裏寧無姊
雲中亦有君
三清與仙島
何事亦離群

其二

珠館裏
熏然久玉房
梳掃餘燒蘭
纔作燭
襞錦不成書
本已亭亭遠
翻嫌脈脈疎
迴頭問殘照
殘照更空虛

哭劉蕡

上帝溪宮一作居閉九閭
巫咸不下問
銜冤廣陵別
後春濤隔
溢浦書來
秋雨翻
只有安仁能
作誄
何曾宋玉解
招魂
平生風義兼
師友不敢同
君哭寢門

杜司勳

高樓風雨感斯文
短翼差池不及群
刻意傷春復傷
別人間惟有杜司勳

荆門鹵下

一夕南風一葉危
荆雲迴望夏雲時
人生豈得輕離
別
天意何嘗忌
嶮巖骨肉書
頭安絕
微蕙蘭蹊徑失
佳期
洞庭湖濶蛟龍惡
卻羨楊朱泣路歧

碧瓦

碧瓦銜珠樹
紅綸一作輪結綺寮
無雙漢殿鬢
第一楚宮膏
霧縠香難盡
珠唬冷易銷
歌從雍門學
酒是蜀城燒
柳暗將翻卷
荷欹正抱橋
鈿轅開道入
金管隔隣調
寢到飛魂急
書成即席遙一作招
河流衝樹一作柱轉海沫
近槎飄

吳市口一作躡甲巴寶翡翠翹他時未知意重疊贈媯饒

蝶

葉葉復翻翻斜橋對側門蘆花唯有白柳絮一作可能
溫鹵子尋遺殿昭君覓故邨年年芳物盡來別敗蘭蓀

蠅蝶雞麝鸞鳳等成篇

韓蝶翻羅幕轉蠅拂綺牕鬪雞迴玉勒融麝暖金缸
璵瑁明書閣瑠璃冰酒缸畫樓多有主鸞鳳各雙雙

韓翃舍人即事

護艸含丹粉荷花抱綠房鳥應悲蜀帝蟬一作是怨齊
王通內藏珠府應官解玉坊橋一作南荀令過十里送

衣香

公子

一醖新羅酒凌晨恐易銷歸應衝鼓半太不待笙調
歌好唯愁和香穠豈憺飄春場鋪艾帳下馬雉媒媯

子初全溪作

全溪不可到況復盡餘醕漢苑生春水昆池換劫灰
戰蒲知雁唳皺月覺魚來清興恭聞命言詩未敢迴

楊本勝說于長安見小男阿袞

聞君來日下見我最媯兒漸大唬應數長貧學恐遲
寄人龍種瘦失母鳳雛癡語罷休邊角青鐙兩鬢絲

鹵溪

悵望鹵溪水潺湲奈爾何不驚春物少只覺夕陽多
色深妖嬈一作韶柳光含窈窕蘿人間從到海天上莫為河
鳳女彈瑤瑟龍珠撼玉珂京華他夜夢好好寄雲波

柳下暗記

無奈巴南柳千條傷吹臺更將黃映白擬作杏花媒

妓席

樂府聞桃葉人肯道得無勸君書小字慎莫喚官奴

少年

外戚平羌第一功生年二十有重封直登宣室螭頭
上橫過甘泉豹尾中別館覺來雲雨夢後門歸太蔥
蘭鼓灞陵夜獵隨田實不識寒郊自轉蓬

無題

近知名阿侯住處小江流鬢細不勝舞眉長唯是愁
黃金堪作屋何不作重樓

玄微先生

仙翁無定數時入一壺藏夜夜桂露溼邛邛桃水香
醉中拋浩劫宿處起神光藥畏丹山鳳碁函白石郎
弄河移砥柱吞日倚樽桑龍竹裁輕策鮫絲熨下裳
樹栽嗤漢帝橋板笑秦皇徑欲隨關令龍沙萬里強

藥轉

鬱金堂北畫樓東換骨神方上藥通露氣暗連青桂
苑風聲偏獵紫蘭鼓長籌未必輸孫皓香棗何勞問
石崇憶事懷人兼得句翠衾歸臥繡簾中

岳陽樓

欲為平生一散愁洞庭湖上岳陽樓可憐萬里堪乘
興枉是蛟龍解覆舟

寄成都高苗二從事

家近紅渠曲水濱全家羅韞起龜塵莫將越客千絲
網網得鹵施別贈人

岳陽樓

漢水方城帶百蠻四隣誰道亂周班如何一夢高唐
雨自此無心入武關

越鷺二首

上國社方見此鄉穉不歸為矜皇后舞猶著羽人衣
拂水斜文亂銜花片影微盧家文杏好試近莫愁飛

其二

將泥紅蓼岬得艸綠楊邨命侶添新意安巢復舊痕
去應逢阿母樂府詩東飛伯勞西飛鷺黃姑阿母長相見來莫害皇孫記取丹山鳳
今為百鳥尊

杜工部蜀中離席

人生何處不離群世路干戈憺暫分雪嶺未歸天外
使松州猶駐殿前軍座中醉客延醒客江上晴雲雜
雨雲美酒成都堪送老當壚仍是卓文君

隋宮

紫泉宮殿鎖煙霞欲取燕城作帝家玉璽不緣歸日
角錦帆應是到天涯于今腐艸無螢火終古垂楊有
算鷓地下若逢陳後主豈宜重問後庭花

二月二日

二月二日江上行東風日暖聞吹笙花鬚柳眼各無
賴紫蝶黃蜂俱有情萬里憶歸元亮井三年從事亞
夫營新春一作難莫訝一作悟遊人意更作風欄夜雨聲一作震聲

籌筆驛

魚鳥猶疑畏簡書風雲長為護儲胥徒令上將揮神
筆終見降王走傳車管樂有才真不忝關張無命欲
一作復何如他年錦里經祠廟梁甫吟成恨有餘

屏風

六曲連環接翠帷高樓半夜酒醒時揜燈遮霧密如
此雨落月明俱不知

春日

欲入盧家白玉堂新春催破舞衣裳蝶銜一作含花
糝蓬銜粉共助青樓一日忙

武侯廟古柏

蜀相階前柏龍蛇捧闕宮陰成外江畔老向惠陵東

大樹息馮與甘棠憶召公葉凋湘蘆雨枝折海鵬風
玉壘經綸遠金刀歷數終誰將出師表一為問昭融

風

撩釵盤孔雀惱帶拂鴛鴦羅薦誰教近齋時鑲洞房

即日

一歲林花即日休江間一作門亭下悵淹畱重吟細把真
無奈已落猶開未放愁山色正來銜小苑春陰只欲
傍高樓金鞍忽散銀壺漏更醉誰家白玉鈎

九成宮

十二層城闔苑鹵平時避暑拂虹霓雲隨夏后雙龍
尾風逐周王八馬蹏吳岳曉光連翠巘甘泉晚景上
丹梯荔枝盧橘沾恩幸鸞鶴天書溼紫泥

少將

族亞齊安陸風高漢武威煙波別墅醉花月後門歸
青海聞傳箭天山報合圍一朝攜劍起上馬即如飛

詠史二首

歷覽前賢國与家成由勤儉破由奢何須琥珀方為
枕豈待珍珠始是車運去不逢青海馬力窮難拔蜀
山蛇幾人曾預南薰曲終古蒼梧哭翠華

又云贈
白道者

十二樓前拜拜辭靈風正滿碧桃枝壺中若是有天
地又向壺中傷別離

無題二首

昨夜星辰昨夜風畫樓一作窗畔桂堂東身無彩鳳雙

飛翼心有靈犀一點通隔坐送鈎春酒暖分轉射覆

蠟燈紅嗟余聽鼓應官去走馬蘭臺類轉一作蓬

其二

聞道閭門萼綠華昔年相望尚一作天涯豈知一夜秦

樓客偷著一作看吳王苑內花

漢宮詞

青鴛鹵飛竟未迴君王長在集靈臺侍臣最有相如
渴不賜金莖露一椀

無題四首

來是空言去絕蹤月斜樓上五更鐘夢為遠別曉難
換一作書被催成墨未濃蠟照半籠金翡翠麝熏微度
繡芙蓉劉郎已恨蓬山遠更隔蓬山一萬重

其二

颯颯東南細雨來芙蓉塘外有輕雷金蟾蠶鎖燒香
入玉卮牽絲汲井迴賈氏窺簾韓掾少宓妃畱枕魏
王才春心莫共花爭發一寸相思一寸灰

其三

含情春晚晚暫見夜闌干樓響將登恹簾烘欲過難
多羞釵上驚真媿鏡中鸞歸去橫塘曉華星送寶鞍

其四

何處哀箏隨急管櫻花永巷垂楊畔東家老女嫁不
售白日當天三月半漂一作陽公主年十四清明暖後同
牆看歸來屢轉到五更梁間鶯子聞長歎

赴職梓潼畱別畏之員外同季

佳地聯翩遇鳳凰雕文羽帳紫金牀桂花香處同高
第柿葉翻時獨悼亡烏鵲失桮長不定鴛鴦何事自
相將京華庸蜀三千里送到咸陽見夕陽

桂林道一作路中作

地暖無龜色江晴有算暉空餘蟬嘒嘒猶向客依依
邨小犬相護沙平僧獨歸欲成鹵北望又見鷓鴣飛

無題

照梁初有情出水舊知名羣袂芙蓉小釵茸翡翠輕
錦長書鄭重眉細恨分明莫近彈碁局中心最不平

蝶三首

初來小苑中稍與瑣闈通遠恐芳塵斷輕憂豔雪融
只知防灑露不覺逆尖風迴首雙飛鶯乘時入綺櫳

其二

長眉畫了繡簾開，碧玉行收白玉臺。為問翠釵釵上鳳，不知香頸為誰迴。

其三

壽陽公主嫁時妝，八字宮眉捧額黃。見我佯羞頻照影，不知身屬冶遊郎。

無題二首

八歲偷兒鏡長眉，已能畫十歲。太踏青芙蓉作羣袂，十二學彈箏。銀甲不曾一作能卸，十四藏六親。懸知猶未嫁，十五泣春風。背面鞦韆下。

其二

幽人不倦賞秋暑，貴招邀竹碧轉。悵望池清无寐寥。

露花終裊溼風，蜨強嬌饒。此地如攜手，兼君不自聊。

王十二兄与喪之員外相訪見招小飲時余以悼亾日近不忝因寄

謝傳門庭舊未一作未行，今朝歌管屬檀郎。更無人處簾垂地，欲拂塵時箏音牀。嵇氏幼男猶可憫，左家嬌女豈能忘。龜霖腹疾俱難遣，萬里鹵風疢正長。

隋宮一云隋堤

乘興南遊不戒嚴，九重誰省諫書函。春風舉國裁宮錦，半作障泥半作帆。

落花

高閣客音太，小園花亂飛。參差連曲陌，迢遞送斜暉。腸斷未忍掃，眼穿仍欲稀。芳心向春盡，所得是沾衣。

月

池上与橋邊難忘復可憐
簾開最明夜簟卷已涼
天流處水花急吐時雲
葉鮮姮一作常娥無粉黛
只是逞嬋娟

贈宗魯筇竹杖

大夏資輕策全溪贈所思
靜憐穿樹遠滑想過落
遲鶴怨朝遷望僧閒算
有期風流真底事常欲
傷清羸

筇竹

娉婷小苑中婀娜曲池東
朝珮皆筇地仙衣盡帶風
七賢寧占竹三品且饒
松腸斲靈和殿先皇玉
座空

曲池

日下繁香不自持月中流
豔與誰期迎憂急鼓疎
鐘斲分隔休鐙滅燭時
張蓋欲判江灩灩迴頭
更望柳

絲絲從來此地黃昏散未信河梁是別離

代應二首

溝水分流鹵復東
九秋霜月五更風
離鸞別鳳今何在
十二玉樓空更空

其二

昨夜雙鉤敗今朝百艸
輪關鹵狂小吏唯喝
遶牀盧

席上作

一云予為桂州從事故府鄭公出家妓賦高唐詩○淡烟微雨
恣高唐一曲清塵遠画梁料得也應憐宋玉只應無奈楚襄王

澹雲輕雨拂高唐
玉殿秋來夜正長
料得也應憐宋玉
一生唯事楚襄王

訪隱者不遇成二絕

秋水悠悠漫野一作野扉
夢中來數覺來稀
玄蟬一作脫盡葉黃落一樹
冬青人未歸

其二

城郭休過識者稀
哀後唬處有柴扉
滄江白石樵漁路
日暮歸來雨滿衣

破鏡

玉匣清光不復持
菱花散亂月輪虧
秦臺一照山雞後
便是孤鸞罷舞時

無題

紫府仙人號寶鐙
雲漿未飲結成冰
如何雪月交光夜
更在瑤臺十二層

贈庾十二朱版

時庾在翰林朱書版也

固漆投膠不可開
贈君珍重抵瓊瑰
君王曉坐金鑾殿
只待相如艸詔來

李花

李徑獨來數愁情
相與懸自明
無月夜強笑欲風天
減粉與園籜分香沾
渚蓮徐妃久已嫁
猶自玉為鈿

柳

曾逐東風拂舞筵
樂遊春苑斷腸天
如何肯到清秋日
已帶斜陽又帶蟬

三月十日流栢亭

身屬中軍少得歸
木蘭花盡失春期
偷隨柳絮到城外
行過水鹵聞子規

過招國李家南園二首

潘岳無妻客為愁
新人來坐舊妝樓
春風猶自疑聯句
雲絮相和飛不休

其二

長亭歲盡雪如波此去秦關路幾多
唯有夢中相近分臥來無睡欲如何

畱贈畏之時將赴職梓潼遇韓朝迴三首

清時無事奏明光不遣當關報早霜
中禁詞臣尋引領左川歸客自迴腸
郎君下筆驚鸚鵡侍女吹笙弄鳳凰
空寄大羅天上事眾僊同日詠霓裳

其二

待得郎來月已低寒暄不漸醉如泥
五更又欲向何處騎馬出門烏夜啼

其三

戶外重陰黯不開含羞迎夜復臨臺
瀟湘浪上有煙

景安得好風吹汝來

為有

為有雲屏無限嬌鳳城寒盡怕春宵
無端嫁得金龜婿辜負香衾事早朝

無題

相見時難別亦難東風無力百花殘
春蠶到此絲方盡蠟炬成灰淚始乾
曉鏡但愁雲鬢改夜吟應覺月光寒
蓬山此去無多路青鳥殷勤為探看

碧城三首

碧城十二曲闌干犀辟塵埃玉辟寒
閨苑有書多附鶴女牆一作牀無樹不棲鸞
星沉海底當懸見雨過河源隔座看
若星一作星是曉珠一作星明又定一生長對水精盤

其二

對影聞聲已可憐
玉池荷葉正田田
不逢簫史休迴首
莫見洪崖又拍肩
紫鳳放嬌銜楚珮
赤鱗狂舞撥湘絃
鄂君悵一作悵望月中
夜繡被焚香
獨自眠

其三

七夕來時先有期
洞房簾箔至今垂
玉輪顧兔初生魄
鐵網珊瑚未有枝
檢與神方教駐景
收將鳳紙寫相思
堯皇內傳分明在
莫衛人間總不知

對雪二首 時欲之東

寒氣先侵玉女扉
清光旋透省郎闈
梅華大庾嶺頭發
柳絮章臺街裏飛
欲舞定隨鸞植馬
有情應溼謝莊衣
龍山萬里無多遠
畱待行人二月歸

其二

旋撲珠簾過粉牆
輕於柳絮重於霜
已隨江令誇瓊樹
又入盧家妒玉堂
侵夜可能爭桂魄
忍寒應欲試梅妝
關河凍合東鹵路
腸斷班騅送陸郎

蓬

少苑華池爛熳通
後門肯檻息無窮
宓妃胷細纔勝露
劫后身輕欲倚風
紅鮮寂寥崖蜜盡
碧簾迢遞霧巢空
青陵粉蝶休離恨
長定相逢二月中

公子

外戚封侯自有恩
平明通籍九華門
金唐公主季應小
二十君王未許婚

賦得雞

稻梁猶是活諸雛
妬敵專場好自娛
可要五更驚穩
寢不辭風雪爲陽鳥

明神

明神司過豈能寬
暗室絲來有甌門
莫爲無人欺一
物他時須慮石能言

辛未七夕

恐是僊家好別離
故教迢遞作佳一作春期
絲來碧落銀
河畔可要金風玉露時
清漏漸移相望久
微雲未接
過來遲豈能無意酬烏鵲
唯與蜘蛛乞巧絲

壬申七夕

已駕七香車
心心待曉霞
風輕唯響珮
日薄不嬌花
桂嫩傳香遠
榆高送影斜
成都過卜肆
曾妬識靈槎

壬申閏秋題贈烏鵲

繞樹無依月正高
鄴城新淚濺雲袍
幾季始得逢秋
閏兩度填河莫告勞

端居

遠書歸夢兩悠悠
只有空牀敵素秋
階下青落與紅
樹雨中寥落月中愁

夜半

三更三點萬家眠
露欲爲霜月墮煙
鬪鼠上牀蝙蝠
出玉琴時動倚牕絃

玉山

玉山高與閨風齊
玉水清流不貯泥
何處更求迴日
馭此中兼有上天梯
珠容百斛龍休睡
桐拂千尋鳳

要極聞道神仙有才子赤簫吹罷好相攜

張惡子廟

下馬捧椒漿迎神白玉堂如何鐵如意獨自與姚萇

雨

撼撼度瓜園依依傍竹軒龜池不自冷風葉共成喧
牕迴有時見欄高相續翻侵宵送書雁應為稻梁恩

菊

暗暗淡淡紫融融冶冶黃陶令籬邊色羅含宅裏香
幾時禁重露實是恹殘陽願汎金鸚鵡昇君白玉堂

牡丹

錦幃初卷衛夫人

典畧云夫子見南
子在錦幃之中

繡被猶堆越鄂君
綉手

亂翻彫玉珮招霄爭舞鬱金裘石家蠟燭何曾剪荀

今香鑪可待熏我是癡中傳彩筆欲書花葉寄朝雲

北樓

春物豈相干人生只強歡花猶曾斂夕酒竟不知寒
異域東風溼中華上象寬北樓堪北望輕命倚危闌

擬沈下賢

千二百輕鸞春衫瘦著寬倚風行稍急含雪語應寒
帶火遺金斗兼珠碎玉盤河陽看花過曾不問潘安

蝶

飛來繡戶陰穿過畫樓深重傳秦臺粉輕塗漢殿金
相兼唯柳絮所得是花心可要凌孤客邀為子夜吟

飲席代官妓贈兩從事

新人橋上著春衫舊主江邊側帽擱

隋獨孤信舉止風流曾願
風吹帽側觀者塞路

得化爲紅綬帶許教雙鳳一時銜

代魏宮私贈

黃初三年已隔存歿追代其意何必同時亦廣子夜吳歌之流

來時鹵館阻佳期
太後漳河隔夢思
知有宓妃無限意
春松秋菊可同時

代元城吳令暗爲答

背闕歸藩路欲分水邊
風日半鹵醺荆王枕上元無
夢莫枉陽臺一片雲

牡丹

墜逕復緣溝當牕又映樓
終銷一國破不啻萬金求
鸞鳳戲三島神仙居十洲
應憐護艸淡卻得號忘憂

百果嘲櫻桃

珠實雖先熟瓊萃縱早開
流鶯猶故在爭得諱含來

櫻桃答

衆果莫相誚天生名品高
何因古樂府唯有鄭櫻桃

曉坐

一云後閣

後閣罷朝眠肯墀思黯然
梅應未假雪柳自不勝煙
淚續淺深縷腸危高下絃
紅顏無定所得失在當季

詠史

北湖南埭水漫漫一片降旗
百尺竿三百季間同曉
夢鍾山何處有龍盤

一片

一片非煙隔九枝蓬巒僊
仗儼雲旗天泉水暖龍吟
細露晚春多鳳舞遲榆莢
散來星斗轉桂華尋太月
輪移人間滄海朝朝變
莫遣佳期更後期

一本無後四句

日射

日射紗牕風撼扉香羅揜手春事違迴廊四合揜寂寞碧鸚鵡對紅薔薇

題鵞

眠沙臥水自成羣曲岸殘陽極浦雲那解將心憐孔雀一作雀羈雌長共故碓分

華清宮

朝陽閣迴羽衣新首按昭陽第一人當日不來高處舞可能天下有胡塵

梓潼望長卿山至巴鹵復懷譙秀

梓潼不見馬相如更欲南行問酒壚行到巴鹵覓譙秀巴鹵唯是有寒蕪

齊宮詞

永壽兵來夜不烏金蓮無復印中庭梁臺歌管三更罷猶自風搖九子鈴

十一月中旬至扶風界見梅花

雨一作雨路亭亭豔非時裊裊香素娥唯与月青女不饒霜贈遠虛盈手傷離適斷腸為誰成早秀不待作年芳

青陵臺

青陵臺畔日光斜萬古貞魂倚暮霞莫訝韓憑為蛺蝶等閒飛上別枝花

東還

自有僊才自不知十季長夢采華芝秋風動地黃雲暮歸太嵩陽尋舊師

訓崔八早梅有贈兼示之作

知訪寒梅過野塘久留金勒為迴腸謝郎衣袖初翻
雪荀令熏鑪更換香何處拂眉資蝶粉幾時塗額藉
蓬黃維摩一室雖多病亦要天花作道場

春風

春風雖自好春物太昌昌若教春有意唯遣一枝芳
我意殊春意先春已斷腸

蜀桐

玉壘高桐一作梧拂玉繩上含霏一作非霧下含冰枉教紫鳳
無栖處斲作龜琴彈廣陵一作樓

漢宮

通靈夜醮達清晨承露盤晞甲帳春王母函歸方朔

太夏須重見李夫人

判春

一樾復一李并一作井上占季芳笑處如臨鏡窺時不隱
牆敢言函子短誰覺宓妃長珠玉終相類同名作夜光

促漏

促漏遙鍾動靜聞報章重疊杳難分舞鸞鏡匣收殘
黛睜鴨香鑪換夕熏歸去定知還向月窈來何處更
為雲南塘漸暖蒲堪結兩兩鴛鴦護水紋

江東

驚魚撥刺鸞翩翩獨自江東上釣船今日春光太漂
蕩謝家輕絮沈郎錢

讀任彥升碑

任昉當季有美名可憐才調最縱橫梁臺初建一作應
惆悵不得蕭公作騎兵

荷花

都無色可竝不奈此香何瑤席乘涼設金羈落晚過
迴衾鐙照綺渡韞水沾羅預想前秋別離居夢擢歌

五松驛

獨下長亭念過秦五松不見見輿薪只應旣斬斯高
後尋被樵人用斧斤

灞岸

山東今歲點行頻幾處冤魂哭虜塵灞水橋邊倚華
表平時二月有東巡

送臻師二首

管太靈山非佛席今來滄海欲求珠楞伽頂上清涼
地善眼僊人憶我無

其二

苦海迷途太未因東方過此幾微塵何當百億蓮華
上一一蓮華見佛身

七夕

鸞扇斜分鳳幄開星橋橫過鶴飛迴爭將世上無期
別換得年年一度來

謝先輩防記念拙詩甚多與日偶有此寄

曉用雲添句寒將雪命篇良辰多自感一作徒豈皆一作然
歎寢初同鶴含嘶欲竝蟬顯時長不展得處定應偏
南浦無窮樹鹵樓不住煙改成人寐寐寄与路綿綿

星勢寒坐地河聲曉上天夫君自有恨聊借此中傳
馬嵬二首

冀馬燕犀動地來自埋紅粉自成灰君王若道能傾
國玉輦何緣過馬嵬

其二

海外徒聞更九州鄒衍云九州之外復有九州他生未卜此生休空聞虎
旅傳宵柝無復雞人報曉籌此日六軍同駐馬當時
七夕笑牽牛如何四紀爲天子不及盧家有莫愁

可歎

幸會東城宴未迴季華憂共水相催一作催梁家宅裏秦
宮入趙后樓中赤鳳來冰簟且眠金鏤枕瓊筵不醉
玉交梧宓妃愁坐芝田館用盡陳王八斗才

望喜驛別嘉陵江水二絕

嘉陵江水此東流望喜樓中憶閬州若到閬州還赴
海閬州應更有高樓

其二

千里嘉陵江水色含煙帶月碧吟藍今朝相送東流
後猶自驅車更向南

別薛巖賓

曙爽行將拂晨清坐欲凌別離真不那風物正相仍
漫水任誰照衰花淺自矜還將兩袖淚同向一牕鐙
桂樹乖真隱芸香是小懲清規無以況且用玉壺冰

富平少侯

七國三邊未到憂十三身襲富平侯不收金彈拋林

外却憺銀牀在井頭綵樹轉
銚珠鎔落繡檀迴枕玉
彫梭當關不報侵晨客
新得佳人字莫愁

腸

有懷非憺恨不奈寸腸何
卽席迴弥久肯時斷固多
熱因翻急燒冷欲徹空波
隔樹澌澌雨通池點點荷
倦程山向背望國闕
峩峩故念飛書及新懽
俗夢過深筠休伴淚繞雪
莫追歌擬問陽臺事年深
楚語訛

贈宇文中丞

欲搆中天正急材
自緣煙水戀平臺
人間只有嵇延祖
最望山公啓事來

公感歎亡友張君故有此句

曉起

擬栝當曉起呵鏡可微寒
隔箔山櫻熟寒帷桂燭殘

書長爲報晚夢好
更尋難影響輸雙蝶
偏過舊畹蘭

閨情

紅露一作霧花房白
蜜脾黃蜂紫蝶
兩參差春牕一覺風
流夢却是同袍不得知

月夕

艸下陰蟲葉上霜
朱闌迢遞陸湖光
兔寒蟾冷桂花白
此夜姮娥應斲腸

杏花

上國管相值亭亭如欲言
與鄉今暫賞脈脈豈無恩
援少風多力牆高月有痕
爲含無限意遂到一作對不勝
鱗仙子玉京路主人金谷園
幾時辭碧落誰伴過黃昏
鏡拂鉛華膩壚藏桂燼
溫終應催竹葉先擬詠桃根

莫學嘯成血從教夢寄魂吳王采香徑失路入煙村

鐙

皎潔終無倦煎熬亦自求花時隨酒遠雨後背牕休
冷暗黃茅驛暄明紫桂樓錦囊名画拚玉局敗碁收
何處無佳夢誰人不隱憂影隨簾押轉光信篔文流
客自勝潘岳儂今定莫愁固應留半焰迴照下幃羞

清河

月小迴仍數樓危凭亦頻驚來從及社蠅舞太侵晨
絳雪除煩俊一作後霜梅取味新季華無一事只是自傷春

韞

嘗聞宓妃韞渡水欲生塵好借嫦娥著清秋踏月輪

追代盧家人嘲堂內

澣卻橫波字人前莫謾羞只應同楚水長短入淮流

代應

本來銀漢是紅牆隔得盧家白玉堂誰与王昌報消
息盡知三十六鴛鴦

離亭賦得折楊柳二首

暫憑尊酒送無繆莫損愁眉与細鬢人世死前唯有
別春風爭擬惜長條

其二

含煙惹霧每一作悔依依萬緒千條拂落暉為報行人休
盡折半畱相送半迎歸

寄永道士

其上雲山獨下遲陽臺白道細如絲君今併倚三珠

樹不記

一作計

人間落葉時

華州周大夫護席

鹵銓

郡齋何用酒如泉飲德

一作得

先時已醉眠若笑門人推

荆山

壓河連華勢孱顏身沒雲歸一望間楊僕移關三百里可能全是為荆山

次陝州先寄源從事

離思羈愁日欲晡東周鹵雍此分塗迴鑿佛寺高多少望盡黃河一曲無

過鄭廣文舊居

宋玉平生恨有餘遠循三楚弔三閭可憐畱著臨江

宅與代應教庾信居

東下三旬苦于風土馬上戲作

路遶函關東復東身騎征馬逐驚蓬天池遼濶誰相待

一作得

日日乘虛九萬風

莫愁

雪中梅下與誰期梅雪相兼一萬枝若是石城無艇子莫愁還自有愁時

夢令狐學士

山驛荒涼白竹扉殘鐙向曉夢清暉右銀臺路雪三尺

一作赤

鳳詔裁成當直歸

涉洛川

通谷陽林不見人我來遺恨古時春宓妃漫結無窮

恨不爲君王殺灌均

灌均陳王之典籤譖請王于文帝者

有感

中路因循我所長古來才命兩相妨
勸君莫強安蛇足一醜芳醪不得嘗

宮妓

珠箔輕明拂玉墀披香新殿鬪鬚支
不須看盡灸龍戲終遣君王怒偃師

宮詞

君恩如水向東流得寵憂移失寵愁
莫向尊前奏花落涼風只在殿鹵頭

代贈二首

樓上黃昏欲望休玉梯橫絕月如鉤
一作鈎芭蕉不展丁

香結同向春風各自愁

其二

東南日出照高樓樓上離人唱石州
總把春山掃黛不知供得幾多愁

楚吟

山上離宮宮上樓樓前宮畔算江流
楚天長短黃昏雨宋玉無愁亦自愁

瑤池

瑤池阿母綺牕開黃竹歌聲動地哀
八駿日行三萬里穆王何事不重來

柳

爲有橋邊拂面香何曾自敢占流光
後庭玉樹承恩

澤不信年華有斷腸

寄在朝鄭轡獨孤李四同年

管歲陪遊舊跡多風光今日兩蹉跎不因醉本蘭亭
在兼忘當年舊永和

李義山集上

終

李義山集中

南朝

地險悠悠天險長金陵王氣應瑤光休誇此地方天
下只得徐妃半面妝

顯漢祖廟

乘運應須宅八荒男兒安在戀池隍君王自起新豐
後項羽何曾在故鄉

韓冬郎卽席爲詩相送一座盡驚他日余方追
吟連宵侍坐徘徊久之句有老成之風因成二
絕寄酬兼呈畏之員外

十歲裁詩走馬成冷灰殘燭動離情桐花萬里丹山
路雛鳳清於老鳳聲

其二

劍棧風檣各苦辛，別時冰雪到時春。爲憑何遜休聯句，瘦盡東陽姓沈人。

沈東陽約嘗謂何遜曰：吾每讀卿詩，一日三復，終未能到，余雖無東陽之才，而有東陽之瘦矣。

評事翁寄賜粥，走筆爲答。

粥香錫白杏花天，省對流鶯坐綺筵。今日寄來春已老，鳳樓迢遞憶鞦韆。

東阿王

國事分明屬灌均，鹵陵魂斷斷來人。君王不得爲天子，半爲當時賦洛神。

聖女祠

松篁臺殿蕙香幃，龍護瑤牕鳳拵扉。無質易迷三里霧，不寒長著五銖衣。人間定有崔羅什，天上應無劉

武威寄問釵頭雙白鷺，每朝珠館幾時歸。

獨居有懷

麝重愁風逼，羅疎畏月侵。怨魂迷恐斷，嬌喘細疑沉。數急芙蓉帶，頻抽翡翠簪。柔情終不遠，遙妒已先深。浦冷鴛鴦太，園空蛺蝶尋。蠟花長遍淚，箏柱鎮移心。覓使嵩雲暮，迴頭灞岸陰。只聞涼葉院，露井近寒砧。

過景陵

武皇精魄久仙昇，帳殿淒涼燼霧凝。俱是蒼生留不得，鼎湖何與魏鹵陵。

臨叢崇讓宅紫薇

一樹濃姿獨看來，秋庭算雨類輕埃。不先搖落應爲有，已欲別離休更開。樵綬含情依露井，柳綿相憶隔

章臺天涯地角同榮謝豈要移根上苑栽

及第東歸次灞上卻寄同年

芳桂當年各一枝行期未分墜春期江魚朔雁長相
憶秦樹嵩雲自不知下苑經過勞想像東門送餞又
差池灞陵柳色無離限莫枉長條贈所思

野菊

苦竹園南枳塢邊微香冉冉淚涓涓已悲節物同寒
雁忍委芳心與算蟬細路獨來當此夕清尊相伴省
他年紫雲新苑移花處不取霜栽近御筵

板橋曉別

迴望高城落曉河長亭牕戶暎微波水仙欲上鯉魚
太一夜芙蓉紅淚多

過伊僕射舊宅

朱一作宋邱方酬力戰功華筵俄歎逝波窮迴廊檐斷鷺
飛出小閣塵凝人語空幽淚欲乾殘菊露餘香猶入
敗荷風何能更涉瀧江太獨立寒流弔楚宮

關門柳

永定河邊一行柳依依長發故季春東來鹵水人情
薄不為清陰減路塵

酬別令狐補闕

惜別夏仍半迴途秋已期那修直諫州更賦贈行詩
錦段知無報青萍肯見疑人生有通塞公等繫安危
警露鶴辭侶吸風蟬抱枝彈冠如不問又到埽門時

銀河吹笙

長望銀河吹玉笙樓寒院冷接平明重衾幽夢他季
斷別樹羈雌昨夜驚月榭故香因雨發風簾殘燭隔
霜清不須浪作緱山意湘瑟秦簫自有情

與同季李定言曲水閒話戲作

海鷺參差溝水流同君身世屬離憂相攜花下非秦
贅對泣風一作春天類楚囚碧艸暗侵穿苑路珠簾不捲
枕江樓莫驚五勝埋香骨地下傷春亦白頭

彭城公夢後贈杜二十七勝李十七潘二君竝

與愚同出故尚書安平公門下

梁山兗水約從公兩地差池一旦空謝墅庾邨相弔
後自今歧路更鹵東

聞歌

歛笑凝眸意欲歌高雲不動碧差峨銅臺罷望歸何
處玉輦忘還事幾多青塚路邊南雁盡細胷宮裏北
人過此聲腸斷非今日香燭燈光奈爾何

贈華陽宋真人兼寄清都劉先生

淪謫千季別帝宸至今猶謝藥珠人但驚茅許同仙
籀不漸劉盧是世親玉檢賜書迷鳳篆金華歸駕冷
龍鱗不因杖屨逢周史徐甲何曾有此身

楚宮二首

十二峰前落照微高唐宮暗坐迷歸朝雲暮雨長相
接猶自君王恨見稀

其二

月姊曾逢下彩蟾傾城消息隔重簾已聞珮響知霄

細夏辨絃聲覺指纖算雨自歸山悄悄一作秋河不動
夜耿耿王昌且在牆東住未必金堂得免嫌

和友人戲贈二首

東望花樓會不同
鹵來雙鷺信休通
仙人掌冷三霄露
玉女牕虛五夜風
翠袖自隨迴雪轉
燭房尋類外庭空
殷勤莫使清香透
牢合金奩鎖桂叢

其二

迢遞青門有幾關
柳梢樓角見南山
明珠可貫須為珮
白璧堪裁且作環
子夜休歌團扇掩
新正未破剪刀閒
猿嗥鶴怨終年事
未抵熏鑪一夕閒

題二首後重有戲贈任秀才

一丈紅蓂擁翠筠
羅牕不識繞街塵
峽中尋覓長逢

雨月裏依稀更有人
虛為鎔刀雷遠客
枉緣書劄損文鱗
遙知小閣還斜照
羨殺烏龍臥錦茵

有感二首乙卯年有感
丙辰歲詩成

九服歸元化
三靈叶睿圖
如何本初輩
自取屈菴誅
有甚當車泣
因勞下殿趨
何成奏雲物
直是滅萑符
證逮符書密
辭連性命俱
竟緣尊漢相
不早辨胡雛
鬼錄分朝部
軍烽照上都
敢云堪慟哭
未必怨洪鑪

其二

丹陛猶敷奏
彤庭歛戰爭
臨危對盧植是晚獨召故相彭陽公入
始悔用龐萌
御仗收前隊
兵徒劇背城
蒼黃五色棒
掩遏一陽生
古有清君側
今非乏老成
素心雖未易
此舉太無名
誰與銜冤目
寧吞欲絕聲
近聞開壽讌
不廢

用咸英

重有感

玉帳牙旗得上游安危須共主君憂實融表已來關
右陶侃軍宜次石頭豈有蛟龍愁失水更無鷹隼與
高秋晝號夜哭兼幽顯早晚星關雪涕收

壽安公主出降

媯水聞貞媛常山索銳師管憂迷帝力今分送王姬
事等和強虜恩殊睦本枝四郊多壘在此禮恐無時

夕陽樓

在滎陽是所知今遂寧
蕭侍郎收滎陽日作矣

花明柳暗繞天愁上盡重城更上樓欲問孤鴻向何
處不知身世自悠悠

春雨

悵臥新春白袷衣白門寥落意多違紅樓隔雨相望
冷珠箔飄鐙獨自歸遠路應悲春曉晚殘宵猶得夢
依稀玉璫緘札何由達萬里雲羅一雁飛

中元作

絳節飄飄宮國來中元朝拜上清迴羊權雖得金條
脫溫嶠終虛玉鏡臺曾省驚眠聞雨過不知迷路爲
花開有娥未抵瀛洲遠青雀如何鳩鳥媒

鴛鴦

雌雄飛萬里天雲羅滿眼淚潸然不須長結風波
願鑲向金籠始兩全

楚宮

湘波如淚色濛濛楚厲一作迷魂逐恨遙楓樹夜猿愁

自斷女蘿山鬼語相邀空歸腐敗猶難復更因腥臊
豈易招但使故鄉三戶在絲絲誰惜懼長蛟

妓席暗記送同季獨孤雲之武昌

疊嶂千重叫恨猿長江萬里洗離魂武昌若有山頭
石爲拂蒼苔檢淚痕

宿晉昌亭聞鶯禽

羈緒鰥鰥夜景侵高牕不揜見鶯禽飛來曲渚煙方
合過盡南塘樹更深胡馬嘶和榆塞笛楚猿吟雜橘
邨砧失羣挂木知何限遠隔天涯笑此心

深宮

金殿銷香閉綺櫳一作籠玉壺傳點咽銅龍狂飆不憖蘿
陰薄清露偏知桂葉濃斑竹嶺邊無限淚景陽宮裏

及時鍾豈知爲雨爲雲處只有高唐十二峰

明禪師院訓從兄見寄

貞吝嫌茲世會心馳本源人非四禪縛地絕一塵喧
霜露欹高木星河隨故園斯游儻爲勝九折幸迴軒

寄裴衡

別地蕭條極如何更獨來纔應爲黃葉雨不厭青落
沈約只能瘦潘仁豈是才離情堪底寄唯有冷吟灰

卽日

小苑試春衣高樓倚暮暉天樾唯是笑舞蝶不空飛
赤頰久無耗鴻門猶合圍幾家緣錦字含淚坐鴛機

淮陽路

荒邨倚慶營投宿旅魂驚斷雁高仍急寒溪曉更清

晉年嘗聚盜此日頗分兵猜貳誰先致三朝事始平
崇讓宅東亭醉後沔然有作

曲岬風雷罷東亭霽日涼新秋仍酒困幽興暫江鄉
搖落真何處交親或未止一帆彭蠡月數雁塞門霜
俗態雖多累仙標幾近狂聲名佳句在身世玉琴張
萬古山空碧無人鬢免黃驂驪憂老大鷓鴣妒芬芳
密竹沉虛籟孤蓮泊晚香如何此幽勝淹臥劇清漳

晚晴

深居俯夾城春太夏猶清天意憐幽州人間重晚晴
併添高閣迴微注小牕明越鳥巢乾後歸飛體更輕

迎寄韓魯州瞻一作詹同季

積雨晚騷騷相息正鬱陶不知人萬里時有鷺雙高

竅盜纏三輔

時興元賊起三川兵出

莓苔滑百牢聖朝推衛霍

一作索歸

日動仙轡

武夷山

只得流霞酒一括空中簫鼓當時迴武夷洞裏生毛
竹老盡曾孫更不來

一片

一片瓊英價動天連城十二管虛傳良工巧費真爲
累楮葉成來不直錢

寄成都高苗二從事

時口公從事商隱在府

紅蓮幕下紫黎新命斷湘南病渴人今日問君能寄
否二江風水接天津

鄭州獻從林舍人褒

蓬島煙霞閬苑鍾三官
牋奏附金龍茅君奕世仙
轡賢許掾全家滄氣濃
絳簡尚參黃紙案丹壚猶用紫
泥封不知他日華陽洞許上
經樓第幾重

鹵南行却寄相送者

百里陰雲覆雪泥行人只在
雪雲鹵明朝驚破還鄉
夢定是陳倉碧野雞

四皓廟

羽翼殊勳棄若遺皇天有運
我無時廟前便接山門
路不長青松長紫芝

題白石蓮花寄楚公

白石蓮花誰所笑六時長捧
佛前鐙空庭落蘚饒霜
露時夢鹵山老病僧大海
龍宮無限地諸天雁塢幾

多層謾誇鶯子真羅漢不會
牛車是上乘

安定城樓

迢遞高城百尺樓綠楊枝外
盡汀洲賈生年少虛縻
涕王粲春來更遠遊永憶江
湖歸白髮欲迴天地入
扁舟不知腐鼠成滋味猜
意鴛鴦雛竟未休

隋宮守歲

消息東郊木帝迴宮中行樂
有新梅沉香夾剪爲庭
燎玉液瓊蘇作壽杯遙望
露盤疑是月遠聞鼉鼓欲
驚雷昭陽第一傾城客不
踏金蓮不肯來

利州江潭作

感字金輪所

神劍飛來不易銷碧潭珍重
駐蘭橈自攜明月移鐙
疾欲就行雲散錦遙河伯
軒牕通貝闕水宮帷箔卷

冰綃他時鸞脯無人寄雨滿空城蕙葉彫

即日一作

地寬樓已迴人更迴於樓細意經一作抽春物傷醒屬算愁

望賒殊易斷恨久欲難收大執真無利多一作情豈自由

空園兼樹廢敗港擁花流書本青楓驛鴻歸杜若洲

單棲應分定辭疾索誰憂更替林鷓恨驚頻太不休

相思一本作相思樹上

相思樹上合歡枝紫鳳青鸞竝羽儀腸斷秦臺吹管

客日鹵春盡到來遲

茂陵

漢家天馬出蒲梢苜蓿榴花徧近郊內苑只知含鳳

觜屬車無復插雞翹玉柅偷得憐方朔金屋修成貯

阿嬌誰料蘇卿老歸國茂陵松柏雨蕭蕭

鏡檻

鏡檻芙蓉入香臺翡翠過撥弦驚火鳳交扇拂天鸞

隱忍陽城笑喧傳郢市歌仙眉瓊作葉佛髻鈿為螺

五里無因霧三秋只見河月中供藥剩海上得綃多

玉集胡沙割犀雷聖水磨斜門穿戲蝶小閣鎖飛蛾

騎檐侵鞦韆卷車帷約幘鉞傳書兩行雁取酒一封駝

橋迴涼風壓溝斜一作橫夕照和待烏燕太子駐馬魏東阿

想像鋪芳縟依稀解醉羅散時簾隔露臥後幕生波

梯穩從攀桂弓調任射莎豈能拋斷夢聽鼓事朝珂

送鄭大台文南觀

黎辟灘聲五月寒南風無處附平安君懷一匹胡威

絹爭拭酬恩淚得乾

風

迴拂來鴻急斜催別鷺高已寒休慘淡更遠尚呼號
楚色分鹵塞夷音接下牢歸舟天外有一為戒波濤

洞庭魚

洞庭魚可拾不假更嵒層開若雨前蟻多于秋後蠅
豈思鱗作簞仍計腹為鐙浩蕩天池路翱翔欲化鵬

天涯

春日在天涯天涯日又斜鷺唳如有淚為溼最高花

喜舍弟義叟及第上禮部魏公

國以斯文重公仍內署一作相來風標森太華星象逼中
台朝滿遷鸞侶門多吐鳳才寧同魯司寇唯鑄一顏回

哀箏

延頸全同鶴柔腸素恹援湘波無限淚蜀魄有餘冤
輕憶長無術哀箏不出門何繇問香炷翠幕自黃昏
自南山北歸經分水嶺

水急愁無地山深故有雲那通極目望又作斷腸分
鄭邑一作驛來雖及蕪臺哭不聞猶餘遺意在許刻鎮南勳

舊頓

東人望幸久咨嗟四海于今是一家猶鑠平時舊行
殿盡無宮戶有宮花一作飛鷗

代董秀才卻扇

莫將畫扇出帷來遮揜春山滯上才若澣團圓是明
月此中須放桂花開

義山卷中
非關宋玉有微辭，卻是襄王夢覺遲。一自高唐賦成後，楚天雲雨盡堪疑。

驪山有感

驪岫飛泉汎一作有暖香，九龍呵護玉蓮房。平明每奉長生殿，不從金輿唯壽王。

別智立法師

雲鬢無端怨別離，十年移易住山期。東鹵南北皆縈淚，卻是楊朱真本師。

贈孫綺新及第

長樂遙聽上苑鍾，綵衣稱慶桂香濃。陸機始擬誇文賦，不覺雲間有士龍。

代祕書贈弘文館諸校書

清切轉司近玉除，比來龜興復何如。崇文館裏丹霜後，無限紅梨憶校書。

亂石

虎踞龍蹲縱復橫，星光漸減雨痕生。不須併礙東鹵路，哭殺厨頭阮步兵。

日日一云春光

日日春光鬪日光，山城斜路杏花香。幾時心緒曾一作無事，得及遊絲百尺長。

過楚宮

巫峽迢迢舊楚宮，至今雲雨暗丹楓。微生盡戀人間樂，只有襄王憶夢中。

龍池

龍池賜酒敞雲屏羯鼓聲高衆樂停夜半譟歸宮漏
永薛王沉醉壽王醒

淚

永巷長年怨綺羅離情終日思風波湘江竹上痕無
限峴首碑前灑幾多人忒紫臺秋入塞兵殘楚帳夜
聞歌朝來灞水橋邊問未抵青袍送玉珂

十字水期韋潘侍御同年不至時韋寓居水次
故郭汾寧宅

伊水濺濺相背流朱闌書閣幾人游漆鐙夜照直無
數蠟炬晨炊竟未休顧我有懷同大夢期君不至更
沉憂鹵園碧樹今誰主与近高牕臥聽秋

流鶯

流鶯漂蕩復參差渡陌臨流不自持巧轉豈能無本
意良辰未必有佳期風朝露夜陰晴裏萬戶千門開
閉時曾苦傷心不思一作忍聽鳳城何處有花枝

出關宿盤豆館對叢蘆有感

蘆葉梢梢夏景深郵亭暫欲灑塵襟昔年曾是江南
客此日初爲關外心思子臺邊風自急玉孌湖上月
應沉清聲不遠行人忒一世荒城伴夜砧

和韓錄事送宮人入道

星使追還不自由雙童捧上綠瓊軒九枝鐙下朝金
殿三素雲中侍玉樓鳳女顛狂成久別月娥孀獨好
同游當時若愛韓公子埋骨成灰恨未休

卽目一作日

小鼎煎茶面曲池白鬚道士竹間棋何人書破蒲葵
扇記著南塘移樹時

聖女祠

杳藹逢仙跡蒼茫滯客途何年歸碧落此路向皇都
消息期青雀逢迎異紫姑腸迴楚國夢心斷漢宮巫
從騎裁寒竹行車蔭白榆星娥一太後月姊更來無
寡鵠迷蒼壑羈鳳怨翠梧唯應碧桃下方朔是狂夫

七月二十九日崇讓宅譔作

露如微霰下前池月過迴塘萬竹悲浮世本來多聚
散紅蕖何事亦離披悠揚歸夢唯燈見漢落生涯獨
酒知豈到白頭長只爾嵩陽松雪有心期

贈從兄闓之

悵望人間萬事違私書幽夢約忘機荻花邨裏魚標
在石蘚庭中鹿跡微幽徑定攜僧共入寒塘好與月
相依城中獬犬憎蘭珮莫損幽芳久不歸

吳宮

龍檻沉沉水殿清禁門深掩斷人聲吳王譔罷滿宮
醉日暮水漂花出城

嫦娥

雲母屏風燭影深長河漸落曉一作覺落星沉嫦娥應悔偷
靈藥碧海青天夜夜心

殘花

殘花曉露莫畱春尖髮誰非怨別人若但拚關勞獨
夢寶釵何日不生塵

天津鹵望

虜馬崩騰忽一狂翠華無不到東方天津鹵望腸真
斷滿眼秋波出苑牆

鹵亭

此夜鹵亭月正圓疎簾相伴宿風煙梧桐莫更翻清
露孤鶴從來不得眠

憶匡一師

無事經年別遠公帝城鐘曉憶西峰鑪煙消盡寒鐙
晦童子開門雪一作雲滿松

昨夜

不辭鷓鴣妬季芳但惜流塵暗燭房昨夜鹵池涼露
滿桂花吹斷月中香

海客

海客乘槎上紫氛星娥罷織一相聞只應不憚牽牛
妒聊用支機石贈君

初食筍呈座中

嫩籜香苞初出林於陵論價重如金皇都陸海應無
數忍翦凌雲一寸心

早起

風露澹清晨簾間獨起人鬢花曉又笑畢竟是誰春

寄蜀客

君到臨邛問酒壚近來還有長卿無金徽卻是無情
物不許文君憶故夫

行至金牛驛寄興元渤海尚書

樓上春雲水底天五雲章色破巴牋諸生箇箇王恭
柳從事人人庾杲蓮六曲屏風江雨急一作色九枝鐙檠
夜珠圓淡慙走馬金牛路驟和陳王白玉篇

深樹見一顆櫻桃尚在

高樾畱晚實尋得小庭南矮隨綠雲髻欹危紅玉簪
惜堪充鳳實痛已被鸞含越鳥誇香荔齊名亦未甘

細雨

帷飄白玉堂簾卷碧牙牀楚女當時意蕭蕭髮彩一作影涼

歌舞

遏雲歌響清迴雪舞霽輕云要君流盼君傾國自傾

海上

石橋東望海連天徐福空來不得仙直遣麻姑与搔

背可能畱命待桑田

魏侯第東北樓堂郢舫言別聊用書所見成篇
暗樓連夜閣不擬爲黃昏未必斷別淚何曾妨夢魂
疑穿花透迤漸近火溫曆海底翻無水仙家卻有邨
鑠香金屈戌帶酒玉崑崙羽白風交扇冰清月印盆
舊歡塵自積新歲電猶奔霞綺空畱段雲峰不帶根
念君千里舸江州漏鐙痕

白雲夫舊居

平生誤識白雲夫再到仙欄憶酒壚牆外萬株人絕
迹夕陽唯照欲栖鳥

同學彭道士參寥

莫羨仙家有上真仙家暫謫亦千春月中桂樹高多

少試問鹵河斫樹人

到秋

翳風淅瀝簟流離萬里南雲滯所息守嶺一作到清秋還
寂寞葉丹落碧閉門時

華師

孤鶴不睡雲無心衲衣筇杖來鹵林院門晝鎖迴廊
靜秋日當階柿葉陰

華嶽下題鹵王母廟

神仙有分豈關情八馬虛追落日行莫恨名姬中夜
沒君王猶自不長生

過華清內殿門

華清別館閉黃昏碧州悠悠內殿門自是明時不巡

幸至今青海有龍孫

樂遊原

萬樹鳴蟬隔斷虹樂遊原上有鹵風羲和自趨虞泉
宿不放斜陽更向東

贈荷花

世間花葉不相倫花入金盆葉作塵唯有綠荷紅菡
萏卷舒開合任天真此花此葉長相映翠減紅衰愁
殺人

丹山

青女丁寧結夜霜羲和辛苦送朝陽丹山萬里無消
息幾對梧桐憶鳳凰

房君珊瑚散

不見常娥影
清秋守月輪
月中閨杵白
桂子擣成塵
小柗園

音日小柗園休一作林寒亦未暄
坐鸞當酒重
送客出牆餘
嗔久豔粉薄
舞多香靈翻
猶憐未圓月
先出照黃昏

嘲櫻柗

朱實鳥含盡
清樓人未歸
南園無限樹
獨自葉如幃
和張秀才落花有感

晴暖感餘芳
紅苞雜絳房
落時猶自舞
掃後更聞香
夢罷收羅薦
仙歸勅玉箱
迴腸久迴後
猶自剗迴腸

代越公房妓嘲徐公主

笑嗔俱不敢
幾欲是吞聲
遽遣離琴怨
都由半鏡明
應防嗔与笑
微露淺深情

代貴公

芳條得意紅
飄落忽由東
分逐春風去
風迴得故叢
明朝金井一作新露始看憶
春風

鳳

萬里峰巒歸路迷
未判容彩偕
山雞新春定有將
雛樂阿閣華池兩處棲

昭肅皇帝挽歌辭三首

九縣懷雄武
三靈仰睿文
周王傳祚父
漢后重神君
玉津朝驚露
金莖夜切雲
笳簫悽欲斷
無復詠橫汾

其二

玉塞驚宵柝
金橋罷舉烽
始巢阿閣鳳
旋駕鼎湖龍
門咽通神鼓
樓凝警夜鐘
小臣觀吉從
猶誤欲東封

其三

莫驗昭華瑄虛傳甲帳神海迷求藥使雪隔獻樾人
桂寢青雲斲松扉白露新萬方同象鳥舉慟滿秋塵

梓州罷吟寄同舍

不揀花朝与雪朝五年從事霍嫖妣君緣接座交珠
履我為分行近翠翹楚雨含情皆有託漳濱多病音
無膠長吟遠下燕臺太唯有衣香深未銷

無題二首

鳳尾香羅薄幾重碧文圓頂夜深縫扇裁月魄羞難
揜車走雷聲語未通曾是寐寥金燼暗斲無消息石
榴紅班騅只繫幽楊岬何處鹵南詩好風

其二

重幃深下莫愁堂臥後清宵細細長神女生涯元是

夢小姑居處本無郎

古詩有小姑無郎之句

風波不信菱枝弱月露

誰教桂葉香直澣相思了無益未妨惆悵是清狂

病中早訪招國李十將軍遇挈家遊曲江

十頃平波溢岬清病來唯夢此中行相如未是真消
渴猶放沲江過錦城

昨日

昨日紫姑神太也今朝青鳥使來賒未容言語還分
散少得團圓足怨嗟二八月輪蟾影破十三絃柱雁
行斜平明鍾後更何事笑倚牆匡一作邊梅樹花

櫻桃花下

流鶯舞蝶兩相欺不取花芳正結時他日未開今日

謝嘉辰長短是參差

故驛迎弔故桂府常侍有感

飢鳥翻樹晚雞嗥泣過秋原沒馬泥二紀征南恩與
舊此時丹旄玉山鹵

槿花

風露淒淒秋景餘可憐榮落在朝昏未央宮裏三千
女但保紅顏莫保恩

算秋獨游曲江

荷葉生時春恨起一作生荷葉枯時秋恨成淡知身在情
長在悵望江頭江水聲

任弘農尉獻州刺史乞假歸京

黃昏封印點刑徒愧負荆山入座隅卻羨卞和雙削

足一生無復沒階趨

贈勾芒神

佳期不定春期賒春物天闕興咨嗟願得勾芒索青
女不教容易損年華

無愁果有愁曲北齊歌

東有青龍鹵白帟中含福星包世度玉壺渭水笑清
潭鑿天不到牽一作壺牛處麒麟踏雲天馬擗牛山撼碎
珊瑚聲秋娥點滴不成淚十二玉樓無故釘推煙唾
月拋千里十番紅桐一行死白楊別屋鬼迷人空畱
暗記如蠶紙日算向風牽短絲血凝血散今誰是

房中曲

薔薇泣幽素翠帶花錢小嬌郎癡若雲抱日鹵簾曉

枕是龍宮石割得秋波色玉簟失柔膚但見蒙羅碧
憶得前年春未語悲含辛歸來已不見錦瑟長吟人
今日澗底松明日山頭蘂愁到天池翻相看不相識
齊梁晴雲

緩逐煙波起如妒柳絲飄故臨飛閣度欲入迴陂銷
縈歌憐畫扇敞景弄柔條更耐□□□一作天南位牛渚宿
殘宵

效徐陵體贈更衣

密帳真珠絡溫幃翡翠裘楚膏知便寵宮眉正鬪強
結帶懸梔子繡領刺鴛鴦輕寒衣省夜金斗熨沉香
又效江南曲

郎船安兩槳儂舸動雙橈埭黛開宮額裁袞約楚膏

乖期方積息臨醉欲拌嬌莫以采菱唱欲羨秦臺簫

月夜重寄宋華陽姊妹

偷批竊藥事難兼十二城中鑲彩蟾應笑三英同夜
賞玉樓仍是水晶簾

訪人不遇畱別館

卿卿不憚瑣牕春太作長楸走馬身閒倚繡簾吹柳
絮日高深院斷無人

雨中長樂水館送趙十五滂不及

碧雲東去雨雲鹵苑路高高驛路低穉水綠蕪終盡
分夫君太騁錦障泥

汴上送李郢之蘇州

人高詩苦滯夷門萬里梁王有舊園煙幌自應憐白

紵月樓誰伴詠黃昏露拋塗頰依落井風柳誇膏住
水邨蘇小小墳今在否紫蘭香逕與招魂

贈鄭謹處士

浪跡江湖白髮新浮雲一片是吾身寒歸山觀隨碁
局暖入汀洲逐釣綸越桂畱烹張翰鱠蜀薑供煮陸
機尊相逢一笑憐疎放他日扁舟有故人

復至裴明府所居

伊人卜築自幽深桂巷杉籬不可尋柱上彫蟲對書
字槽中瘦馬仰聽琴求之流輩豈易得行矣關山方
獨吟賒取松醪一斗酒與君相伴灑煩襟

覽古

莫恃金湯忽太平艸間霜露古今情空存一作賴壤真何

益欲舉黃旗竟不成長樂瓦飛隨水逝景陽鐘墮失
天明迴頭一弔箕山客始信逃堯不爲名

子初郊墅

看山對酒君思我聽鼓離城我訪君臘雪已添牆下
水齋鍾不散檻前雲陰移竹柏濃暈淡歌雜渙樸斷
更聞亦擬邨南買煙舍子孫相約事耕耘

漢南書事

鹵師萬衆幾時迴哀痛天書近已裁文吏何曾重刀
筆將軍猶自舞輪臺幾時拓土成王道從古窮兵是
禍胎陛下好生千萬壽玉樓長御白雲栢

當句有對

密邇平陽接上蘭秦樓鴛瓦漢宮盤池光不定花光

亂日氣初涵露氣乾但覺游蜂饒舞蝶豈知孤鳳憶
離鸞三星自轉三山遠紫府程遙碧落寬

井絡

井絡天彭一掌中漫誇大一作天設劍爲峰陣圖東聚楚江
口邊柝鹵懸雪嶺松堪歎一作笑故君成杜宇可能先主
是真龍將來爲報姦雄輩莫向金牛訪舊蹤

寫意

鸞雁迢迢隔上林高秋望斷正長吟人間路有潼江
險天上山唯玉壘深日向花間畱返照雲從城上結
層陰三年已制思鄉淚更入新年恐不禁

隨師東

東征日調萬黃金幾竭中原買鬪心軍令未聞誅馬

謾提書唯是報孫歆

平吳之後上言得
歌吳平孫尚在

但須鸞鷲巢阿閣豈

暇鴟鴞在泮林可惜肯朝玄菟郡積骸成莽陣雲深

宋玉

何事荆臺百萬家唯教宋玉擅才華楚辭已不饒唐
勒風賦何曾讓景差落日清宮僕觀閣開年雲夢送
煙花可憐庾信尋荒徑猶得三朝託後車

韓同年新居餞韓鹵迎家室戲贈

籊籊沁鹵萬戶侯新緣賢壻起朱樓一名我湯居先
甲千騎君翻在上頭雲路招邀迴彩鳳天河迢遞笑
牽牛南朝禁鬻無人近瘦盡瓊枝一作有四愁

奉和太原公送前楊秀才戴兼招楊正字戎

潼關地接古弘農萬里高飛雁與鴻桂樹一枝當白

日芸香三代繼清風仙舟尚惜乖雙美綵服何緣得
盡同誰憚士龍多笑疾美髭終類晉司空

池邊

玉管葭灰細細吹流鶯上下鶯參差日鹵千遶池邊
樹憶把枯條撼雪時

賈生

宣室求賢訪逐臣賈生才調更無倫可憐夜半虛前
席不問蒼生問鬼神

送王十三校書分司

多少分曹掌祕文洛陽花雪寢隨君定知何遜緣聯
句每到城東憶范雲

寄惱韓同年時韓住蕭洞二首

簾外辛夷定已開開時莫放豔陽迴年華若到經風
雨便是胡僧話劫灰

其二

龍山晴雪鳳樓霞洞裏迷人有幾家我爲傷春心自
醉不勞君勸石榴花

謁山

從來繫日乏長繩水太雲迴恨不勝欲就麻姑買滄
海一椀春露冷如冰

鈞天

上帝鈞天會衆靈咎人因夢到青冥伶倫吹裂孤生
竹却爲知音不得聽

失援

祝融南太萬重雲清嘯無因更一聞莫遣碧江通箭道不教腸斷憶同群

戲題友人癖

花逕逶迤柳巷深小闌亭午轉春禽相如解作長門賦卻用文君取酒金

假日

素琴絃斷酒罈空倚坐欲眠日已中誰向劉靈一作冷天幕內更當陶令北牕風

寄遠

常一作短娥搗藥無時已玉女投壺未肯休何日桑田俱變了不教伊水更東流

王昭君

毛延壽畫欲通神恐為黃金不為人馬上琵琶行萬里漢宮長有隔生一作春

舊將軍

雲臺高議正紛紛誰定當時蕩寇勳日暮灞陵原上獵李將軍是舊將軍

曼倩辭

十八年來隨世間瑤池歸夢碧樾閒如何漢殿穿鍼夜又向牕中一作前覩阿環

所居

牕下尋書細溪邊坐石平水風醒酒病霜日曝衣輕雞黍隨人設蒲一作捕魚得地生肯賢無不謂容易即遺名

高松

高松出衆木伴我向天涯客散初晴後僧來不語時
有風傳雅韻無雪試幽姿上藥終相待他年訪伏龜
訪秋

酒薄吹還醒樓危望已窮江皋當落日帆席見歸風
煙帶龍潭白霞分鳥嶺紅殷勤報秋意只是有丹楓

昭州一作郡

桂水春猶早昭川日正鹵席當官路鬪後上驛樓
繩爛金沙井松乾乳洞梯鄉音吁可駭仍有醉如泥
哭劉司戶賁

路有論冤謫言皆在中興空聞遷賈誼不待相孫弘
江濶唯迴首天高但撫膺去年相送地春雲滿黃陵
裴明府居止

凌君茅屋下向晚水溶溶試墨書新竹張琴和古松
坐來聞好鳥歸去度疎鍾明日還相見橋南貰酒釀

陸叟荆南始至商洛

管太真無素一作奈今還豈自知青辭木奴橘紫見地仙芝
四海龜風濶千巖草景遲向來憂際會猶有五湖期

陳後宮

玄武開新苑龍舟謾幸頻渚蓮參泐駕沙鳥犯鈎陳
壽獻金莖露歌翻玉樹塵夜來江令醉別詔宿臨春

樂遊原一本無原字

春夢亂不記春原登已重青門弄煙柳紫閣舞雲
松拂硯輕冰散開尊綠耐一作酒濃無悰託詩遣吟罷更
無悰

贈子直花下

池光忽隱牆花氣亂侵房屏綠蛩留粉牕由蠶印黃
官書推小吏侍史從清郎竝馬更吟太尋思有底忙

小園獨酌

柳帶誰能結花房未肯開空餘雙一作蛩舞音絕一人來
半展龍鬚席輕斟瑪瑙杯年年春不定虛信歲前梅

思歸

固有樓堪倚能無酒可傾額雲春沮洳江月夜晴明
灸亂書何託援袞寢易驚舊居連上苑時節正遷鶯

獻寄舊府開封公

幕府三年遠春秋一字褒書論秦逐客賦續楚離騷
地里一作南溟濶天文北極高酬恩撫身世未覺勝鴻毛

向晚

當風橫太幘臨水卷空帷北土鞦韆罷南朝袂襖歸
花情羞脈脈柳意悵微微莫歎佳期晚佳期自古稀

春游

橋峻班駝疾川長白鳥高爐輕唯潤柳風濫欲吹樵
徙倚三層閣摩挲掌一作寶刀庾郎年最少青艸妬春袍

離席

出宿金尊拚從公玉帳新依依向餘照遠遠隔芳塵
細艸翻驚雁殘花伴醉人楊朱不用勸只是更沾巾

俳諧

短顧何緣遂遲光且莫驚鸞能歌子夜蛩解舞宮城
柳訝眉傷淺樵猜粉太輕年華有情狀吾散恡平生

細雨

瀟灑傍迴汀，依微過短亭。氣涼先動竹，點細未開萍。
稍促高高鷺，微疎的的螢。故園煙艸色，仍近五門青。
商於新開路

六百商於路，崎嶇古其間。蓬房春欲暮，席幕日初曛。
路向泉間辨，人從樹杪分。更誰開捷徑，速擬上青雲。
顯鄭大有隱居

結構何峰是，喧閒此地分。石梁高瀉月，樸路細侵雲。
偃臥蛟螭室，希夷鳥獸群。近知鹵額止，玉管有時聞。

君居近子
晉憩鶴室

夜飲

卜夜容衰鬢，開筵屬異方。燭分歌扇淚，雨送酒船香。

江海三季客，乾坤百戰場。誰能辭酌酹，淹臥劇清漳。

江上

萬里風來地，清江北望樓。雲通梁苑路，月帶楚城瓠。
刺字從漫滅，歸途尚阻脩。角程更燿水，吾漸豈淹留。

涼思

客太波平檻，蟬休露滿枝。永懷當此節，倚立自移時。
北斗兼春遠，南陵寓使遲。天涯占夢數，疑誤有新知。

鸞鳳

舊鏡鸞何處，衰桐鳳不棲。金錢饒孔雀，錦段落山雞。
王子調清管，天人降紫泥。豈無雲路一作露分，相望不應迷。

李衛公

絳紗弟子音塵絕，鸞鏡佳人舊會稀。今日致身歌舞

地木綿花暖鷓鴣飛

韋蟾

謝家離別正淒涼少傅臨歧賭佩囊卻憶短亭迴首
處夜來煙雨滿池塘

自況

陶令棄官後仰眠書屋中誰將五斗米擬換北牕風

蝶

孤蝶小徘徊翩翩粉翅開併應傷皎潔頻近雲中來

夜意

簾坐幕半捲枕冷被仍香如何為相憶魂夢過瀟湘

因書

絕檄南通棧孤城北枕江猿聲連月檻鳥影落天牕

海石分碁子郟筒當酒缸生歸話辛苦別夜對疑缸

奉寄安國太師兼簡子蒙

憶奉蓮花座兼聞貝葉經巖光分蠟屐澗響入銅餅
日下徒推鶴天涯正對螢澗山羨暫植眷屬有文星

閒遊

危亭顛竹粉曲沼嗅荷花數日同攜酒平明不在家

尋幽殊未極得句總一作已堪誇強下鹵樓太鹵樓倚一作荷暮霞

縣中惱飲席

晚醉顛詩贈物華罷吟還醉意歸家若無江氏五色
筆爭奈河陽一縣花

題李上暮壁

舊著思立賦新編雜擬詩江庭猶近別山舍得幽期

嫩割周顥韭肥烹鮑照葵飽聞南燭一作蜀酒仍及撥醅時

江邨題壁

沙岬竹森森維艸聽越禽數家同老壽一逕自陰深
喜客嘗畱橘一作官說采金傾壺真得也一作地慶日靜霜

□一作砧

卽日一作目

桂林聞舊說曾不異炎方宋考功有小長安之句山響匡牀語花飄

度臘香幾時逢雁足著處斷猿腸獨撫青青桂臨城
憶雪霜

漫成五章

沈宋裁辭矜變律王楊落筆得良笏當時自謂宗師
妙今日唯觀對屬能

其二

李杜操持事略齊三才萬象共端倪集仙殿与金鑾
殿可是蒼蠅惑一作或曙雞

其三

生兒古有孫征虜嫁女今無王右軍借問琴書終一
世何如旗蓋仰三分

其四

代北偏師銜使節關東裨將建行臺不妨常日饒輕
薄且喜臨戎用艸萊

其五

郭令素心非贖武韓公本意在和戎兩都耆舊偏坐
淚臨老中原見朔風

射炙曲

思牢弩箭磨清石繡額蠻渠三席力尋潮背日伺泗
鱗貝闕夜移鯨失色纖纖粉簪馨香餌綠鴨迴塘養
龍水含冰漢語遠於天何繇迴作金盤死

日高

鍍鑲故錦縻輕拖一作施玉篴一作篴不動便門鎖水精眠夢
是何人闌藥日高紅髮鬣飛香上雲春訴哀雲梯十
二門九開輕身滅影何可望粉蛾帖死屏風上

宮中曲

雲母濾宮月夜夜白於水賺得羊車來低扇遮黃子
水精不覺冷自刻鴛鴦翅蠶縷茜香濃正朝纏左辭
巴牋兩三幅滿寫承恩字欲得識青天昨夜蒼龍是

海上謠

桂水寒於江玉兔秋冷咽海底覓仙人香樾如瘦骨
紫鸞不肯舞滿翅蓬山雪偕得龍堂寬曉出撲雲髮
劉郎舊香炷立見茂陵樹雲孫帖帖臥秋煙上元細
字如蠶眠

李夫人三首

一帶不結心兩股方安髻慙愧白苑人月沒教星替

其二

剩結茱萸枝多擘秋蓮的獨自有波光綵囊盛不得

其三

蠻絲繫條脫妍眼和香屑壽宮不憺鑄南人柔腸早
被秋眸割清澄有餘幽素香鰥魚渴鳳真珠房不知

瘦骨類冰井更許夜簾通曉霜土花碧碧一作漢雲茫茫
黃河欲盡天蒼黃一作蒼蒼

景陽宮井雙桐

秋港菱花乾玉盤明月蝕血滲兩枯心情多太未得
徒經白門伴不見丹山客未待刻作人愁多有魂魄
誰將玉盤与不死翻相誤天更濶于江孫枝覓郎主
管妒隣宮槐漸類雙眉斂今日繫一作紅櫻一作桃拋人占
長簾翠襦不禁綻畱淚唬天眼寒灰劫盡問方知石
羊不忒誰相絆一作作

秋日晚息

桐槿日零落雨餘方寂寥枕寒莊蝶太牕冷胤螢銷
取適琴將酒忘名牧与樸平生有游舊一一在煙霄

春宵自遣

地勝遺塵事身閒念歲華晚晴風過竹深夜月當花
石亂知泉咽落荒任逕斜陶然恃琴酒忘却在山家

七夕偶題

寶婺搖珠珮嫦娥照玉輪靈歸天上匹巧遺世間人
花果香千戶笙竽溢四隣明朝曬犢鼻方信阮郎貧

靈仙閣晚眺寄鄆州韋評事

愚公方住一作住谷仁者本依山芙蓉林泉志胡爲尊俎間
率蓮開菡萏荆玉刻孱顏爽氣臨周嶺嵐光出漢關
滿壺從蟻汎高閣已落珽想就安車召寧期負笑還
潘遊金一作全壁散郭太半月閒定笑幽人迹鴻軒不可攀

幽居冬莫

羽翼摧殘日郊園寂莫時
曉雞驚樹雪寒鶯守冰池
急景倏云暮顏季寢已衰
如何匡國分不与夙心期
過妣孝子盧偶書

拱木臨周道荒廬積古落
魚因感姜出鶴爲弔陶來
兩鬢蓬常亂雙眸血不開
睜朝敦爾類非獨路人哀
賦得月照冰池八韻

皓月方離海堅冰正滿池
金波雙激射璧彩兩參差
影占徘徊處光含的皪時
高低連素色上下接清規
顧兔一作影飛難定潛魚躍未期
鵲驚俱欲遶狐聽始無疑
侶鏡將盈手如霜恐透肌
獨憐游翫意達曉不知疲
永樂縣所居一艸一木無非自栽
今春悉已芳
茂因書卽事一章

手種悲陳事心期翫物華
柳飛彭澤雪樵散武陵霞
枳嫩棲鸞葉桐香待鳳花
綬藤縈弱蔓袍艸展新芽
學植功雖倍成蹊跡尚賒
芳年誰共翫終老邵平瓜
南潭上亭謨集以疾後至因而抒情

馬卿聊應召謝傅已登山
歌篋百花外樂調深竹間
鷓鴣角縈遠岬灸鑰啟重關
鸞蝶如相引煙蘿不暇攀
佳人啟玉齒上客頷朱顏
肯念沈痾士俱期倒載還
寒食行次冷泉驛

歸途仍近節旅宿倍思家
獨夜三更月空庭一樹花
介山當驛秀汾水遶關斜
自恹春寒苦那堪禁火賒
寄峯嶽孫逸人

靈嶽幾千仞老松逾百尋
攀崖仍躡屣噉葉復眠陰

海上呼三島

一作鳥

齋中戲五禽唯應逢阮籍長嘯作鸞音

戲頭贈稷山驛吏王全

全為驛吏五十六年人稱有道術往來多贈詩章

絳臺驛吏老風塵耽酒成僊幾十春過客不勞詢甲子唯書亥字與時人

和韋潘前輩七月十二日夜泊池州城下先寄上李使君

桂含爽氣三秋首莫吐中旬三葉新正是澄江如練處玄暉應喜見詩人

花下醉

尋芳不覺醉流霞倚樹沉眠日已斜客散酒醒淡夜後更持紅燭賞殘花

所居永樂縣久旱縣宰祈禱得雨因賦詩

甘膏滴滴是精誠晝夜如絲一尺一作夕盈秬怪閭閻喧鼓吹邑人同報東長生

李義山集中

李義山集下

正月十五夜聞京有燈恨不得觀

月色鎿光滿帝都香車寶輦臨通衢身閒不覩中興
盛羞逐鄉人賽紫姑

贈趙協律替

俱識孫公與謝公二年歌哭處皆同已叨鄒馬聲華

末更共劉盧族望通愚與趙俱出今吏部相公門下同為故
尚書安平公所知後皆是安平公表姪南省恩深

賓館在東山事往妓樓空不堪歲暮相逢地我欲鹵

征君又東

搖落

搖落傷年日羈畱念遠心水亭吟斷續月幌夢飛沉
古木含風久疎螢恹露淡人閒始遙夜地迴更清砧

結夢曾傷晚，端憂復至今。未諳滄海路，何處玉山岑。
灘激黃牛算，雲屯白帝陰。遙知霑灑意，不減欲分襟。

滯雨

滯雨長安夜，殘燈獨客愁。故鄉雲水地，歸夢不宜秋。

偶題二首

小亭閒眠微醉消，山榴海柏枝相交。水文簟上琥珀
枕，傍有墮釵雙翠翹。

其二

清月依微香露輕，曲房小院多逢迎。春釵定是饒梅
瘦，飲罷莫持紅燭行。

月

過水穿樓觸處明，藏人帶樹遠含清。初生欲缺虛惘

悵，未必圓時卽有情。

夜冷

樹遶池寬月影多，邨砧塢笛隔風蘿。鹵亭翠被餘香
薄，一夜將愁向敗荷。

正月崇讓宅

密鎖重關揜綠落，廊深閣迴此裴徊。先知風起月含
暈，尚自露寒花未開。蝙蝠拂簾旌終展，轉鼠翻牕網小
驚。猜背鐙獨共餘香語，不覺猶歌夜起來。

城外

露寒風定不無情，臨水當山又一作有隔城。未必明時勝
蟀蛤，一生長共月虧盈。

撰彭陽公誌文畢有感

延陵畱表墓峴首送沉碑設伐不加點猶當無媿辭
百生終莫報九死諒難追待得生金後川原亦幾移

北青蘿

殘陽鹵入崦茅屋訪孤僧落葉人何在寒雲路幾層
獨敲初夜磬閒倚一枝藤世界微塵裏吾寧愛與憎

戲贈張記書

別館君孤枕空庭我閉關池光不受月野氣欲沉山
星漢秋方會關河夢幾還危絙傷遠道明鐘惜紅顏
古木含風久平蕪盡日閒心知兩愁絕不斷若尋環

幽人

丹竈三季火蒼岬萬歲藤樵歸說逢庖碁罷正畱僧
星斗同秦分人煙接漢陵東流清渭苦不盡照衰興

念遠

日月淹秦甸江湖動越吟蒼梧應露下白閣自雲深

皎皎非鸞扇翹翹失鳳簪林空鄂君被杵冷女須一作類

砧北息驚沙雁南情屬海禽關山已搖落天地共登臨

過故崔覓海宅與崔明秀才話舊因寄舊僚杜

趙李三掾

絳帳恩一作息如昨烏衣事莫尋諸生空會葬舊掾已華簪

共入畱賓驛俱分市駿金莫憑無鬼論終負託孤心

微雨

初隨林靄動稍共夜涼分一作過侵鐙冷庭虛近水聞

南山趙行軍新詩盛稱遊謾之洽因寄一絕

蓮幕遙臨黑水津索韃無事但尋春梁王司馬非孫

武且免宮中斬美人

曲江

望斷平時翠輦過空閨子夜鬼悲歌金輿不返傾城
色玉殿猶分下苑波人憶華亭聞喚鶴老憂王室泣
銅駝天荒地變心雖折若比陽春意未多

景陽井

景陽宮井剝堪悲不盡龍鸞誓歿期腸斷吳王宮外
水濁泥猶得葬鹵施

故番禺侯以贓罪致不辜事覺母者他日過其門
飲鴆非君命茲身亦厚亾江陵從種橘交廣合投香
不見千金子空餘數仞牆殺人須顯戮誰舉漢三章

詠雲

捧月三更斲藏星七夕明纔聞飄迴路旋見隔重城
潭草隨龍起河秋壓雁聲只應唯宋玉知是楚神名
疫出鹵溪

東府憂春盡鹵溪許日曛月澄新漲水星見欲銷雲
柳好休傷別松高莫出群軍書雖倚馬猶未當能文
效長吉

長長漢殿眉窄窄楚宮衣鏡好鸞空舞簾疎鸞誤飛
君王不可問昨夜疫約黃歸

標

江南江北雪初消漠漠輕黃惹嫩條灞岸已攀行客
手楚宮先騁舞姬膏清明帶雨臨官衙晚日含風拂
野橋如線如線正牽恨王孫歸路一何遙

九月於東逢雪

舉家忻共報，穠雪隨前峰。嶺外他年憶，於東此日逢。
粒輕還自亂，花薄未成重。豈是驚離鬢，應來洗病容。

四皓廟

本為畱侯慕赤松，漢廷方識紫芝翁。蕭何只解追韓
信，豈得虛當第一功。

送阿龜歸華

艸堂歸意背煙蘿，黃綬坐曹不奈何。因汝華陽求藥
物，碧松根下茯苓多。

九日

曾共山翁把酒時，霜天白菊遶堦墀。十年泉下無消
息，九日尊前有所思。不學漢臣栽苜蓿，空教楚客詆

江籬郎君官賢施行馬，東閣無因再得窺。

僧院牡丹

葉薄風才倚枝輕，霧不勝開先如避客。色淺為依僧
粉壁，正蕩水緜幃。初卷鐙傾城，唯詩笑要裂幾多繒。

贈司勳杜十三員外

杜牧司勳字牧之，清秋一首杜秋詩。肯身應是梁江
總，一作王態名總還曾字總持。心鐵已從干鏌利，鬢絲休歎

雪霜坐漢江。遠弔鹵江水，羊祜韋丹盡有碑。時杜奉詔撰韋碑

高花

花將人共笑，籬外露絲枝。宋玉臨江宅，牆低不擬一作礙窺。

朝栳

無賴妖栳面，平明露井東。春風為開了，卻擬笑春風。

送豐都李尉

萬古商於地憑君泣路岐固難尋綺季可得信張儀
雨氣驚先覺葉陰蟬遽知望鄉尤忌晚山晚更參差
天平公座中呈令狐令公時蔡京在坐京曾爲
僧徒故有第五句

罷執霓旌上醮壇慢妝嬌樹水晶盤更淡欲訴蛾眉
歛衣薄臨醒玉豔寒白足禪僧息敗道青袍御史擬
休官雖然同是將軍客不敢公然子細看

江上憶嚴五廣休

征南幕下帶長刀夢筆深藏五色毫逢著澄江不敢
詠鎮鹵留與謝功曹

餞席重送從叔余之梓州

莫歎萬里山君還我未還武關猶悵望何況百牢關

訪隱

路到層峰斷門依老樹開月從平楚轉泉自上方來
薤白羅朝饌松黃暖夜杯相畱笑孫綽空解賦天台
寓興

薄宦仍多病從知夢遠遊談諧叨客禮休澣接冥搜
樹好頻移榻雲奇不下樓豈關無景物自是有鄉愁
東南

東南一望日中烏欲逐羲和太得無且向秦樓棠樹
下每朝先覓照羅敷

歸來

舊隱無何別歸來始更悲難尋白道士不見惠禪師

艸逕蟲鳴急沙渠水下遲却將波浪眼清曉對紅梨
子直晉昌李花

吳館何時熨秦臺幾夜裏綃輕誰解卷香異自先聞
月裏誰無姊雲中亦有君尊肯見飄蕩愁極客襟分
河清與趙氏昆季謨集得擬杜工部

勝槩殊江右佳名逼渭川虹收青嶂雨鳥沒夕陽天
客鬢行如此滄波坐渺然此中真得地漂蕩釣魚船

寓目

園桂懸心碧池蓮歛眼紅此生真遠客幾別卽衰翁
小幌風煙入高牕霧雨通新知他日好錦瑟傷朱櫳
顯道靖院院在中條山故王顏中丞所置豳州
刺史捨官居此今寫真存焉

紫府丹成化鶴群青松手植變龍文壺中別有仙家
日嶺上猶多隱士雲獨坐遺芳成故事寒帷舊貌侶
元君自憐築室靈山下徒望朝嵐與夕曛

賦得桃李無言

天桃李正發穠李榮方綠應候非爭豔成蹊不在言
靜中霞暗吐香處雪潛翻得意搖風態含情泣露痕
芬芳光上苑寂默委中園赤白徒自許幽芳誰與論

登霍山驛樓

廟列前峰迴樓開四望窮嶺巖嵐色外陂雁夕陽中
弱柳千條露衰荷一向風壺關有狂孽速繼老生功

寄和水部馬郎中顯興德驛

時昭義
已平

仙郎倦太心鄭驛暫登臨水色瀟湘濶沙程朔漠深

鷓鴣時往復鷗鳥恣浮沉更想逢歸馬悠悠出樹陰

題小柏

憐君孤秀植庭中細葉輕陰滿座風桃李盛時雖寂
寞雪霜多後始青葱一年幾變一作度枯榮事百尺方資
柱石功爲謝鹵園車馬客定悲搖落盡成空

行次昭應縣道上送戶部李郎中克昭義攻討
將軍大旆埽征一作狂童詔選名賢賢武功暫逐虜牙臨
故絳遠含雞舌過新豐一作負遊沸鼎知無日鳥覆危巢
豈待風早勒勛庸燕石上佇光綸綉漢廷中

水齋

多病欣依有澗邦南塘晏起想秋江捲簾飛鷺還拂
水開戶暗蟲猶打牕更閱肯題已披卷仍斟昨夜未

開缸誰人爲報故交道莫惜鯉魚時一雙

奉同諸公題河中任中丞新剏河亭四韻之作
萬里誰能訪十洲新亭雲構墜中流蛟縱翫難爲
室海蜃遙驚恥化樓左右名山窮遠目東鹵大道鏢
輕舟獨畱巧息傳千古長與蒲津作勝游

過故府中武威公交城舊莊感事

信陵亭館接郊畿幽象遙通晉水祠日落高門喧鷺
雀風飄大樹感一作撼熊羆新蒲侶筆息投日芳艸如茵
憶吐時山下只一作祇今黃絹字淚痕猶隨六州兒一作時

贈田叟

荷蓀衰翁侶有情相逢攜手遶邨行燒畬曉映遠山
色伐樹暝傳深谷聲鷗鳥忘機翻淡洽交親得路昧

平生撫躬漸直誠一作誠感激在野無賢心自驚

贈別前蔚州契苾使君使君相國初功臣也

何季部落到陰陵一作爽世勤王國史稱疲捲牙旗千

帳雲朝飛羽騎一河水蕃兒襁負來青塚一作城狄女壺

漿出白登日晚礪鵜泉畔獵路人遙識郅都鷹

和人題真娘墓真娘吳中樂妓墓在席丘山下寺中

席丘山下劍池邊長遣游人歎逝川骨樹斲絲悲舞

席出雲清梵想歌筵柳眉空吐效顰葉榆莢還飛買

笑錢一自香魂招不得祗應江上獨嬋娟

人日卽事

文王喻復今朝是子晉吹笙此日同舜格有苗甸大

遠周稱流火月難窮鏤金作勝傳荆俗翦綵爲人起

晉風獨想道衡詩思苦離家恨得二年中

春日寄懷

世間榮落重逡巡我獨止園坐四春縱使有花兼有

月可堪無酒又無人青袍侶艸年年定白髮如絲日

日新欲逐風波千萬里未知何路到龍津

和劉評事永樂閒居見寄

白社幽閒君暫居青雲器業我全疎看封諫艸歸鸞

掖尚賁衡門待鶴書蓮簪碧峰關路近荷翻翠扇水

堂虛自探典籍一作忘名利欹枕時驚落蠹魚

和馬郎中移白菊見示

陶詩只采黃金實郢曲新傳白雪英素色不同籬下

發繖花疑自月中生浮栝小摘開雲母帶露全移綴

水精偏稱含香五字客從茲得地始芳榮

喜聞太原同院崔侍御臺拜兼寄在臺三二同年之什

鵬魚何事遇屯同雲水升沉一會中劉放未歸雞樹老鄒陽新太兔園空寂寥我對先生柳赫奕君乘御史驄若向南臺見鷲爰爲傳垂翅度春風

喜雪

朔雪自龍沙呈祥勢可嘉有田皆種玉無樹不開花班扇慵裁素轡衣詎比麻鷲歸逸少宅鶴滿令威家寂寞門扉揜依稀履跡斜人疑游麴市馬侶困鹽車洛水妃虛妒姑山客漫誇聯辭雖許謝和曲本慙巴粉署闌全隔霜臺路漸賒此時傾賀酒相望在京華

柳枝五首

有序

柳枝洛中里孃也父饒好賈風波死湖上其母不念他兒子獨念柳枝生十七季塗妝縮髻未嘗剪已復起太吹葉嚼菜調絲揪管作天海風濤之曲幽憶怨斷之音居其傍与其家接故往來者聞十年尚相与疑其醉眠夢物斷不娉余從昆讓山比柳枝居爲近他日春曾陰讓山下馬柳枝南柳下詠余蕪臺詩柳枝驚問誰人有此誰人爲是讓山謂曰此吾里中少年林耳柳枝手斷長帶結讓山爲贈林乞詩明日余比馬出其巷柳枝了鬟畢妝抱立扇下風鄣一袖指曰若林是邪後三日鄰當太賤裙水上以博山香待与郎俱過余諾之會所友有偕當詣京師者戲盜余

臥衰以先不果畱雪中讓山至且曰爲東諸侯取太
矣明季讓山復東相背于戲上因寓詩以襲其故處云

其一

花房与蜜脾蜂雄蛺蝶雌同時不同類那復更相息

其二

本是丁香樹春條結始生玉作彈碁局中心亦不平

其三

嘉瓜引蔓長碧玉冰寒漿東陵雖五色不忍值衣裳

一作
牙香

其四

柳枝井上蟠蓮葉浦中乾錦鱗与繡羽水陸有傷殘

其五

画屏繡步障物物自成雙如何湖上望只是見鴛鴦

夔臺詩四首

風光冉冉東鹵陌幾日嬌魂尋不得蜜房羽客類芳
心冶葉倡條徧相識暖藹輝遲_祀樹鹵高鬟立芙蓉
鬟齊雄龍雌鳳杳何許絮亂絲絲天亦迷醉起微陽
若初曙映簾夢斷聞殘語愁將鐵網罥珊瑚海濶天
翻迷處所衣帶無情有寬窄春煙自碧秋霜白研丹
擘石天不知願得天牢鑊冤魄夾羅委篋單綃起香
肌一作
眠冷襯瑋瑋今日東風自不勝化作幽光入鹵海

右春

肯閣雨簾愁不卷後堂芳樹陰陰見石城景物類黃
泉疲半行郎空柘一作
柘彈綾扇喚風闔闔天輕帷翠幕
波淵旋蜀魂寐莫有伴未幾疲瘴花開木繇桂宮流

影光難取媯薰蘭破輕輕語直教銀漢隨懷中未遣
星妃鎮來太濁水清波何與源濟河水清黃河渾安
得薄霧起緗裘手接雲駟呼太君

右夏

月浪衝一作衝天天宇溼涼蟾落盡疎星入雲屏不動揜
孤嘖鹵樓一夜風箏急欲織一作識相思花寄遠終日相
思卻相怨但聞北斗聲迴環不見長河水清淺金魚
鑊斷紅桂春古時塵滿鴛鴦茵堪悲小苑作長道玉
樹未憐亾國人瑤瑟悵悵藏楚弄越羅冷薄金泥重
簾鈎鸚鵡夜驚霜喚起南雲繞雲夢雙璫丁丁聯尺
素內記湘川相識處歌脣一世銜雨看可憺馨香手
一作平中故

右秋

天東日出天鹵下雌鳳孤一作飛飛女龍寡青溪白石不
相望堂中遠甚蒼梧野凍壁霜華交隱起芳根中斷
香心死浪乘画舸憶蟾蜍月娥未必嬋娟子楚管蠻
絃愁一槩空城舞罷胷支在當時歡向掌中銷枇杷葉
柶根雙姊妹破鬟委一作矮隨凌朝雲白玉鸞釵黃金蟬
風車雨馬不持太蠟燭唬紅怨天曙

右冬

贈送肯劉五經映三十四韻

建國宜師古興邦屬上庠從來以儒戲安得振朝綱
舛世何多難玄基遂已亾泣麟猶委吏歌鳳更佯狂
屋壁餘無幾焚坑逮可傷挾書秦二世壞宅漢諸王

州州臨盟誓區區務富強微茫金馬署狼籍鬪雞場
盡欲心無竅皆如面正牆驚疑豹文鼠貪竊虎皮羊
南渡宜終否鹵遷冀小康策非方正士貢絕孝廉郎
海鳥悲鍾鼓狙公畏服裳多歧空擾擾幽室竟悵悵
凝邈爲時範虛空作士常何繇羞五霸直自訾三皇
別派驅楊墨他鑣竝老莊詩書資破冢汰制困探囊
周禮仍存魯隋師果禪唐鼎新麾一舉革故汰三章
星宿森文雅風雷起退藏縲囚爲學切掌故受經忙
夫子時之彥先生跡未荒褐衣終不召白首興難忘
感激殊非聖棲遲到異糧片辭衰有德一字貶無良
焚地尊鄒衍鹵河重卜商式閭真蘄在擁篲信謙光
外舅太原公亦受經於公也獲預青衿列叨來絳帳翁雖從各言志還要

大爲防勿謂孤寒棄深憂訐直妨舛孫讒易得盜跖
暴難當雁下秦雲黑蟬休隴葉黃莫踰一作中屨念容
許後升堂

河內詩二首

鼉鼓沉沉蚪水咽秦絲不上蠻絃一作絕常娥衣薄不禁
寒蟾蜍夜豔秋河月碧城冷落空蒙一作蒙煙簾輕幕重
金鉤闌靈香不下兩皇子孤星直上相風竿八桂林
邊九芝艸短襟小鬢相逢道入門暗數一千春願太閏年
畱月小梳子交加香蓼錄停辛佇苦畱待君右一曲樓上

其二

閨門日下吳歌遠陂路綠菱香滿滿後溪暗起鯉魚
風船旗閃斷芙蓉幹輕一作傾身奉君畏身輕雙橈兩槳

尊酒清莫因風雨罷團扇此曲斷腸唯北一作聲低樓小
逕城南道猶自金鞍對芳艸右一曲湖中

哭遂州蕭侍郎二十四韻

遙作時多難先令禍有源初驚逐客議旋駭黨人冤
密侍榮方入司刑望愈尊皆因優詔用實有諫書存
苦霧三辰沒窮陰四塞昏虎威狐更假隼擊鳥踰喧
徒欲心存闕終遭百屬垣遺音和蜀魄易簣對巴援
有女悲初寡無兒泣過門云止裴氏一女結縞之明年又喪良人朝爭屈原艸廟
餒莫一作教魂迴閣傷神峻長江極望翻青雲寧寄意白
首始霑恩早歲思東閣爲邦屬故園余初謁於鄭舍登舟慙郭
泰解榻愧陳蕃分以忘年契情猶錫類敦公先真帝
子我系本王孫嘯傲張高蓋從容接短轅秋吟小山

桂春醉後堂護自歎離通籍何嘗忘叫閭不成穿墻
入然一作終擬上書論多士還負貫云誰正駿奔蹇能誅倏
忽長與問乾坤蟻漏三泉路蟹虓百艸根始知同泰
講微福是虛言

送千牛李將軍赴闕五十韻

照席瓊枝秀當季紫綬榮班資古直閭勳伐舊鹵京
在笈王綱紊因誰國步清如無一戰霸安有大橫康
內豎依憑切凶門責望輕中台終惡直上將更要盟
丹陛祥煙滅皇闈殺氣橫喧闐衆狙怒容易八蠻驚
檣杙寬之久防風戮不行素來矜異類此太豈親征
捨魯真非策居幽未有名曾無力牧御寧待雨師迎
火箭侵乘石雲橋逼禁營何時絕刁斗不疲見攬槍

屢亦間投鼠誰其敵射鯨世情休念亂物議笑輕生
 大鹵忽龍躍蒼梧失象耕靈衣沾媿汗儀馬困陰兵
 別館蘭薰酷深宮蠟焰明黃山遮舞態黑水斷歌聲
 縱未移周鼎何辭免趙坑空拳轉鬪地數板不沉城
 且欲憑神筭無因計力爭幽囚蘇武節棄市仲由纓
 下殿言終驗增埤事早萌先時桑道茂請修奉天城蒸雞殊減膳屑麴
 異和羹否極時還泰屯餘運果亨流離幾南度倉卒
 得鹵平神鬼收昏黑姦兇首齋滿盈官非替護賢師
 召丈人貞覆載還高下寒暄急改更馬前烹芥卓壇
 上挹韓彭扈蹕三才正迴軍六合晴此時唯短劍仍
 世盡雙旌顧我由群從逢君歎老成慶流歸嫡長貽
 厥在名卿隼擊須當要鵬搏莫問程趨朝排玉座出

位泣金莖幸藉梁園賦叨蒙許氏評中郎推賢壻定
 遠重時英政已標三尚人今佇一鳴長刀懸月魄快
 馬駭星精披豁慙深眷睽離動素誠蕙留春晼晚松
 詩歲崢嶸異縣期迴雁登時已餽鯖太程風刺刺別
 夜漏丁丁庾信生多感楊朱死有情絃危中婦瑟甲
 冷想夫箏會與秦樓鳳俱聽漢苑鸞洛川迷曲沼爐
 月兩心傾

詠懷寄祕閣舊僚二十六韻

季鬢日堪悲衡茅益自嗤攻文枯若木處世鈍如錐
 殷望坐堂誠寧將暗室欺懸頭曾苦學折臂反成醫
 僕却嫌夫懦孩童笑疥癡小男方嗜桌幼女漫憂葵
 遇一作誰先嗽逢藿卽更吹官銜同畫餅面貌乏凝

脂典籍將蠡測文章若管窺圖形翻類狗入夢肯非
 罷自晒成書麓終當呪酒卮懶霑襟上血羞鑷鏡中
 絲橐籥言方喻樗蒲齒詎知事神徒惕慮佞佛愧虛
 辭曲藝坐麟角浮名狀虎皮乘軒寧見寵巢幕更逢
 危禮俗拘嵇喜侯王欣戴逵途窮方結舌靜勝但搯
 頤糲食空彈劍亨衢詎置錐柏臺成口號芸閣暫肩
 隨悔逐遷鶯伴誰觀擇蝨時甕間眠太率牀下隱何
 卑奮迹登弘閣推一作催心對董帷狡讐如有暇松竹一
 相思

戊辰會靜中出貽同志二十韻

大道諒無外會越自登真丹元子何索在已莫問鄰
 舊璨玉琳華翺翔九真君戲擲萬里火聊召六甲旬

瑤簡被靈誥持符關一作府開七門金鈴攝群魔絳節何糅

糅吟弄東海若笑倚扶桑春三山誠迴一作迴視一作力州揚

一塵我本立元胤一作胃稟華由上津中迷鬼術樂沉為

下土民託質屬太陰鍊形復為人誓將覆宮一作官澤安

此真與神龜山有慰薦南真為彌綸玉管會立圍火

棗承天姻科車過故氣侍香傳靈芬飄颻被青霓姁

娜佩紫紋林洞何其微下仙不與群丹泥因未控萬

劫猶逡巡荆蕪既呂蘿丹壑永無因相期保妙命騰

景侍帝宸

和鄭愚贈汝陽王孫家箏妓二十韻

水霧怨何窮秦絲媯未已寒空爐霞高白日一萬里
 碧嶂愁不行濃翠遙相倚茜袖捧瓊姿皎日丹霞起

孤後耿幽寂，風吹白芷迴。首蒼梧深，女蘿閉山鬼。
荒郊白鱗斷，別浦晴霞委。長釣墜河心，白道連地尾。
秦人管富家，綠牕間妙旨。一作比鴻驚雁背飛，象牀殊故
里。因令五十絲，中道分宮徵。斗粟配新聲，娣姪徒織
指。風流大堤上，悵望白門裏。蝨粉實雌絃，鐙光冷如
水。羌管足蠻柱，從醉吳宮耳。滿內不埽眉，吳王對鹵
子。初花慘朝露，冷臂淒愁髓。一曲送連錢，遠別長吟
死。玉砌銜紅蘭，妝牕結碧綺。九門十二關，清晨禁桃李。
四季冬以退居蒲之永樂渴然有農夫望歲之
志遂作憶雪又作殘雪詩各一百言以寄情于

游舊一作舊游

憶雪

慶景人方樂，同雲候稍憊。徒聞周雅什，願賦朔風篇。
欲俟千箱慶，須資六出妍。詠留飛絮後，歌唱落梅前。
庭樹思瓊瑩，妝樓認粉緜。瑞邀盈尺日，豐待兩岐年。
預約延枚酒，虛乘訪戴船。映書孤志業，披氅阻神仙。
幾向霜堦步，頻將月幌褰。玉京應已足，白屋但顯然。

殘雪

旭日開晴色，寒空失素塵。遶牆全剝粉，傍井漸銷銀。
刻獸摧鹽虎，爲山倒玉人。珠還猶一作獨照魏，璧碎尚留
秦。落日驚侵晝，餘光悞惜春。欄冰滴鶯管，屋瓦鏤魚
鱗。嶺霽嵐光坼，松暄翠粒新。擁林愁拂盡，著砌恐行
頻。隳寢忻無患，梁園本有因。莫能知帝力，空此荷平均。
太鹵平後移家到永樂縣居書懷十韻寄劉韋

二前輩二公嘗於此縣寄居

驅馬遶河干家山照露寒依然五柳在况值百花殘
管公驚投筆今來分挂冠不憂懸罄乏乍喜覆盂安
甌破寧迴顧月沉豈暇看脫身離庖口移疾就豬肝
鬢入新年白顏無舊日丹自悲秋穫少誰懼夏畦難
逸志忘鴻鵠清香披蕙蘭還持一杯酒坐想二公歡

河陽詩

黃河搖溶一作落天上來玉樓影近中天臺龍頭瀉酒客壽
杯主人淺笑紅玫瑰梓澤東來七十里長溝複塹埋
雲子可惜秋眸一鬢光漢陵走馬黃塵起南浦老魚
腥古涎真珠密字芙蓉篇湘中寄到夢不到衰容自
太拋涼天憶得蛟絲裁小棹一作卓蛺蝶飛迴木絲薄綠

綉筆囊不見人一口紅霞夜深嚼幽蘭泣露新香死
畫圖淺縹松溪水楚絲微覺竹枝高半曲新詞寫緜
紙巴陵夜市口一作紅守宮後房點臂斑斑紅堤南渴雁
自飛久蘆花一夜吹鹵風曉簾串斷蜻蜒翼羅屏但
有空青色玉灣不釣三千季蓮房暗被蛟龍憺溼銀
注鏡井口平鸞釵映月寒錚錚不知桂樹在何處仙
人不下雙金莖百尺相風插重屋側近媯紅伴柔綠
百勞不識對月郎湘竹千條爲一束

自桂林奉使江陵途中感懷寄獻尚書

下客依蓮幕明公念竹林公与江陵相國詔叙林姪縱然膺使命何以
奉薇音投刺雖傷晚酬恩豈在今迎來新瑣闥從到
碧瑤岑水勢初知海天文始識參固慙一作思非賈誼唯

恐後陳琳肯席薦虛辱華尊許細斟尚憐秦痔苦不
遣楚醪沉既載從戎筆仍披選勝襟瀧通伏波柱簾對
有虞琴宅與巖城接門藏別岫深閣涼松冉冉堂靜
桂森森社內容周續鄉中係展禽白衣居士訪烏帽
逸人尋佞佛將成傳耽書或類滌長懷五穀贖終著
九州箴良訊封鴛綺餘光一作玳簪張衡愁浩浩沈
約瘦惛惛蘆白疑粘鬢楓丹欲熨心歸期無雁報旅
抱有猿侵短日安能駐低雲只有陰亂鷗衝睽網寒
女簇遙碁東漸違寧久鹵園望不禁江生魂黯黯泉
客淚泫泫逸翰應藏汰高辭肯浪吟數須傳庾翼莫
獨與盧諶假寐憑書麓哀吟叩劍鐔未嘗貪偃息那
復議登臨彼美迴清鏡其誰受曲鉞人皆向燕路無

乃費黃金

送從翁從東川弼農尚書幕

大鎮初更帥嘉賓素見邀使車無遠近歸路便一作煙

霄穩放驂驪步高安翡翠巢一作愈風知有在太國肯

無聊早忝諸孫末俱從小隱招心懸紫雲閣夢斷赤

城標素女悲清瑟秦娥弄碧簫山連立圃近水接絳

河遙豈意聞周鐸翻然慕舜韶皆辭喬木太遠逐斷

蓬飄薄俗誰其激斯民已甚恍鸞皇期一舉鸞雀不

相饒散共頽波遠因之內火燒是非過別夢時節慘

驚飄未至誰能一作賦中乾欲病瘳屢曾紆錦繡勉欲

報瓊瑤我恐霜侵鬢君先綬挂膏甘心與陳阮揮手

謝松喬錦里差隣接雲臺閉寂寥一川虛月魄萬崦

自芝苗瘴雨瀧間急離魂峽外銷非關無燭夜其奈
落花朝幾處逢鳴珮何筵不翠翹蠻僮騎象舞江市
賣蛟綃南詔知非敵鹵山亦屢驕勿貪佳麗地不爲
聖明朝少減東城飲時看北斗杓莫因乖別久遂逐
歲寒凋盛幕開高謨將軍問故寮爲言公玉季早日
棄渙樵

李肱所遺畫松詩書兩紙得四十韻

萬艸已涼露開圖披一作古松青山偏滄一作蒼海此樹生
何峰孤根邈無倚直立撐鴻濛端如君子身挺若壯
士宵樛枝勢夭矯忽欲蟠擎空又如鷲螭走默与奔
雲逢孫枝擢細葉旖旎狐裘茸鄒顛葶髮軟麗姬眉
黛濃視久眩目睛倏忽變輝容疎削正稠直婀娜旋

敷一作數峰又如洞房冷翠被張穹籠亦若暨羅女平日
粧顏容細疑襲氣母猛若爭神功驚雀固窈窕霧露
常衝衝香一作重蘭媿傷算碧竹慙空中可集呈瑞鳳堪
藏行雨龍淮山桂偃蹇蜀郡桑重童枝條一作脩亮眇脆
靈氣何由同笱聞咸陽帝近說嵇山儂或著仙人號
或以大夫封終南与青都烟雨遙相通安知痃痃意
不起鹵南風美人笱清興重之猶一作由月鍾寶笥十八九
香緹千萬重一旦鬼瞰室稠疊張纒置赤羽中要害
是非皆忿忿生如碧海月死踐霜郊蓬平生握中玩
散失隨奴僮我聞照妖鏡及与神劍鋒寓身會有地
不爲凡物蒙伊人秉茲圖顧盼擇所從而我何爲者
開懷捧靈蹤報以漆鳴琴懸之真珠櫛是時方暑夏

座內若嚴冬憶管謝四騎學仙王陽東千株盡若此
路入瓊瑤宮口詠玄雲歌手把金芙蓉濃藹深霓袖
色映琅玕中悲哉隨世網太之若遺弓形魄天壇上
海日高曛曛終期紫鸞歸持寄扶桑翁

戲題樞言艸閣三十二韻

君家在河北我家在山鹵百歲本無業陰陰仙李枝
尚書文與武戰罷幕府開君從渭南至我自仙游來
平笮苦南北動成雲雨乖逮今兩攜手對若牀下鞵
夜歸碣石館朝上黃金臺我有苦寒調君抱陽春才
年顏各少壯髮絲齒尚齊我雖不能飲君時醉如泥
政靜籌畫簡退一作食多相攜掃掠走馬路整頓射雉
翳春風二三月柳密鸞正唳清河在門外上与浮雲齊

欵冠調玉琴彈作松風哀又彈明君怨一太怨不迴
感激坐者泣起視雁行低翻憂龍山雪一作却雜胡沙飛
仲容銅琵琶項直聲淒淒上貼金捍撥畫爲永露雞
君時臥榻觸勸客白玉杯苦云年光疾不飲將安歸
我賞此言是因循未能諧君言中聖人坐臥莫我違
榆莢亂不整楊花飛相隨上有白日照下有東風吹
青樓有美人顏色如玫瑰歌聲入青雲所痛無良媒
少年苦不久顧慕良難哉徒令真珠肌一作衰入珊瑚腮
君今且少安聽我苦吟詩古詩何人作老大猶傷悲
偶成轉韻七十二句贈四同舍

沛國東風吹大澤蒲青柳碧春一色我來不見隆準
人漚酒空餘廟中客征東同舍鴛與鸞酒酣勸我懸

征鞍藍山寶肆不可入玉山仍是青琅玕武威將軍
使中俠少年箭道驚楊葉戰功高後數文章令我秋
齋夢蝴蝶詰旦九一作元門傳奏章高車大馬來煌煌路逢
鄒枚不暇揖臘月大雪過大梁憶咎公爲會昌宰我
時入謁虛懷待衆中賞我賦高唐迴看屈宋由年輩
公事武皇一作昌爲鐵冠廳廳請我相所難我時顛顛在書
閣臥枕芸香春夜闌明年赴辟下昭桂東郊慟哭辭
兄弟韓公堆一作推上跋馬時迴望秦川樹如薺依稀南指
陽臺雲紅一作鯉魚食鈎須失群湘妃廟下春江一作中盡虞帝
城前初日曛謝游橋上澄江館下望山城如一彈鷓
鴒聲苦曉驚眠朱槿花嬌晚相伴頃之失職辭南風
破帆壞槩荆江中斬蛟破壁不無意平生自許非忿

忿歸來寐寔靈臺下著破藍衫出無馬天官補吏府
中趨玉骨瘦來無一把手封徃牢屯制囚直廳印鎖
黃昏愁平明赤帖使脩表上賀嫖姚收賊州舊山萬
仞青霞外望見扶桑出東海慶君憂國太未能白滌
青松了然在此時聞有燕昭臺挺身東望心眼開且
吟王粲從軍樂不賦淵明歸太來彭門十萬皆雄勇
首戴公恩若山重廷評日下握龍蛇書記眠時吞綵
鳳之子夫君鄭与裴何甥一作生謝朓當世才青袍白簡
風流極碧沼紅蓮傾倒開我生麓疎不足數梁父哀
吟鷓鴣舞橫竹濶視倚公憐狂來筆力如牛弩借酒
祝公千萬季吾徒禮分常周旋收旗臥鼓相天子相
門出相光青史

上杜僕射

并序

今月二日不自量度輒以詩一首四十韻干瀆尊嚴伏蒙仁恩俯賜披覽獎踰其實情溢于辭顧惟疎蕪曷用酬戴輒復五言十韻詩一章獻上亦詩人訕歎不足之義也

家擅無雙譽朝居第一功四時當首夏八節應條風
滌濯臨清濟巉巖倚碧嵩匏壺冰皎潔王佩玉丁東

擊虞決錄要注云漢末絕無玉佩侍中王粲識舊佩始復作之今玉佩受法于粲也故云

處劇張京地通經戴侍中將

星臨迴夜卿月麗層穹下令銷秦盜高談破宋聶含
霜太山竹拂霧嶧陽桐樂湔乾知退當官塞匪躬服
箱青海馬入地渭川熊固是符真宰徒勞讓化工鳳
池春歛澹雞樹曉腫隴願守三章約還期一作期嘗九譯通
夷琴調大舜寶瑟和神農慷慨資元老周旋值狡童

仲尼羞問陣魏絳喜和戎欸欸將除蝨孜孜欲達聰
所求因渭濁安肯与雷同物議將調鼎君恩忽賜弓
開吳相上下全蜀占鹵東銳卒魚懸餌豪胥鳥在籠
疲民呼杜母隣國仰羊公置驛推東湔安禪合北宗
嘉賓增重價上士悟真空扇舉遮王導尊開見孔融
煙飛愁舞罷塵定惜歌終岬柳兼池綠園花映燭江
未曾周顛醉轉覺季心恭繫滯喧人望便蕃屬聖衷
天書何日降庭燎幾時烘早歲乖投刺今晨幸發蒙
遠塗哀跛鼈薄藝獎雕蟲故事曾尊隗前脩有薦雄
終須煩刻畫聊擬夏磨礪蠻嶺晴畱雪巴江晚帶楓
營巢憐越鷺裂帛待燕鴻自苦誠先藥長瓢不後蓬
容華雖少健思緒卽悲翁感激淮山館優游碣石宮

待公三入相丕祚始無窮

五言述德抒情詩一首四十韻獻上杜七兄僕

射相公

帝作黃金闕仙開白玉京有人扶太極維嶽降玄精
耿賈官勲大荀陳地望清旂常懸祖德甲令著嘉聲
經出宣尼壁書畱晏子楹武卿傳陣法踐土主文盟
自管流王澤由來仗國禎九河分合沓一柱忽崢嶸
得主勞三顧驚人肯拜鳴碧虛天莫轉黃滄日同行
後飲暫參酒先和傳說美卽時賢路闢此夜太階平
願保無疆福將圖不朽名率身斯濟世叩額慮興兵
感念嶧屍露咨嗟趙卒坑儻令安隱忍何以贊貞明
惡艸雖當路寒松實挺生人言真可畏公意本無爭

故事留臺閣肯驅且旆旌芙蓉王儉府楊柳亞夫營
清嘯頻疎俗高談屢析醒過庭多令子乞墅有名甥
南詔應聞命鹵山莫設驚寄辭收的博端坐埽攬槍
雅譏初無倦長歌底有情檻危春水暖樓迥雪峰晴
移席牽湘蔓迴橈撲絳英誰知杜武庫只見謝宣城
有客趨高義于今滯下卿登門慙後至置驛恐虛迎
自是依劉表安能比老彭雕龍心已切畫虎意何成
豈省曾黔突徒勞不倚衡乘時乖巧宦占象合艱貞
廢忘淹中學遲迴谷口畊悼傷潘岳重樹立馬遷輕
隴鳥悲丹觜湘蘭怨紫莖歸期過舊歲旅夢繞殘更
弱植叨華族衰門倚外兄欲陳勞者曲未唱淚先橫

驕兒詩

驕一作嬌

袁師我驕兒美秀乃無匹文葆未周睥固已知六七
四歲知姓名眼不視梨棗交刃頗窺觀謂是丹穴物
肯朝尚氣貌流品方第一不然神仙姿不爾鸞鶴骨
安得此相謂欲慰衰朽質青春妍和月明一作戲渾甥
姪繞堂復穿林沸石金鼎溫門有長者來造次請先出
客肯問所須含意不吐實歸來學客面闖敗秉爺笏
或謔張飛胡或笑鄧艾吃豪鷹毛削反化力劣良道猛馬氣
佶僂離道反子君截得青篋子君當騎走恣唐突忽復學叅軍按
聲喚蒼鶻又復紗鐙旁稽首禮夜佛仰鞭罥蛛網俯
首飲花蜜欲爭蚨蝶輕未謝柳絮疾階肯逢阿姊六
甲頗輸失凝走弄香奩拔脫金屈戌抱持多反倒威
怒不可律曲躬牽牕網略唾拭琴漆有時看臨書挺

立不動膝古錦請裁衣玉軸亦欲乞請爺書春勝春
勝宜春日芭蕉斜卷牋辛夷低過筆爺管好讀書懇
苦自著述顛顛欲四十無肉畏蚤蟲兒慎勿學爺讀
書求甲乙穰苴司馬法張良黃石術便爲帝王師不
假夏織悉況今鹵与北羌戎正狂悖誅赦兩未成將
養如痼疾兒當速成大探雛入席窟當爲萬戶侯勿
守一經帙

行次鹵郊作一百韻

蛇年建午月我自梁還秦南下大濱一作嶺北濟渭之濱
艸木半舒坼不類冰霜晨又若夏苦熱焦卷無芳津
高田長檨櫪下田長荆榛農具棄道傍飢牛死空墩
依依過邨落十室無一存存者皆面唬無衣可迎賓

始若畏人問及門還具陳右輔田疇薄斯民嘗苦貧
伊管稱樂土所賴牧伯仁官清若冰玉吏善如六親
生兒不遠征生女事四鄰濁酒盈瓦缶爛穀堆荆困
健兒疵旁婦衰翁舐童孫况自貞觀後命官多儒臣
例以賢牧伯徵入司陶鈞降及開元中姦邪撓經綸
晉公忌此事多錄邊將勲因令猛毅輩雜牧昇平民
中原遂多故除授非至尊或出倖臣輩或由帝戚恩
中原因屠解奴隸馱肥豚皇子棄不乳椒房抱羌渾
重賜竭中國強兵臨北邊控弦二十萬長辭皆如
猿皇都三千里來往同雕鷲五里一換馬十里一開
筵指顧動白日暖熱迴蒼旻公卿辱嘲叱唾棄如糞
丸大朝會萬方天子正臨軒綵旂轉初旭玉座當祥

燿金障旣特設珠簾亦高寨□□□一作將須塞不顧坐在御
榻前忤一作誤者死難屢附之昇頂顛華侈矜過衍豪俊
相併吞因失生惠養漸見徵求頓奚寇鹵北來揮霍
如天翻是時正忘戰重兵多在邊列城遶長河平
明插旗幡但聞虜騎入不見漢兵屯大婦抱兒哭一作春
小婦攀車轡生小太平年不識夜閉門少壯盡黥行
疲老守空邨生分作死誓揮淚連秋雲廷臣例麀怙
諸將如羸奔爲賊埽上陽捉人送潼關玉輦望南斗
未知何日旋誠知開闢久違此雲雷屯送者問鼎大
存者要高官捨攘互間諜孰辨梟與鸞千馬無返轡
萬車無還轅城空雀鼠死人去豺狼喧南資竭吳越
鹵費失河源因令石藏庫摧毀惟空垣如人當一身

有左無右邊筋體半痿痺肘腋生臊臙列聖蒙此恥
含懷不能宣謀臣拱手立相戒無敢先萬國困杼軸
內庫無金錢健兒立霜雪腹歎衣裳單饋餉多過時
高估銅與鉛山東望河北爨燠猶相聯朝廷不暇給
辛苦無半年行人權行資居者稅屋椽中間遂作椽
狼籍用戈鋌臨門送節制呂錫通天班破者以族滅
存者尚遷延禮數異君父羈縻如美連一作零直求輸赤誠
所望大體全巍巍政事堂宰相馱八珍設問下執事
今誰掌其權瘡疽幾十載不設扶其根國盛賦更重
人稀役彌繁近年牛醫兒一作師城社更攀緣盲目把大旆
處此京鹵藩樂禍忘怨敵樹黨多狂狷生爲人所憚
死非人所憐快刀斲其頭列若猪牛懸鳳翔三百里

兵馬如黃巾疫半軍牒來屯兵萬五千鄉里駭僕億
老少相扳牽兒孫生未狹棄之無慘顏不復議所適
但欲歿山間爾來又三歲甘澤不及春盜賊亭午起
問誰多窮民節使殺亭吏捕之恐無因咫尺不相見
早久多黃塵官健胥佩刀自言爲官巡常恐值荒迴
此輩還射人媿客問本末願客無因循郿塢抵陳倉
此地忌黃昏我聽此言罷冤憤如相焚管聞舉一會
群盜爲之奔又聞理與亂繫人不繫天我願爲此事
君肯剖心肝叩頭出鮮血滂沱汚紫宸九重黯已隔
涕泗空沾脣使典作尚書廝養爲將軍慎勿道此言
一作說此言未忍聞

井泥四十韻

皇都依仁里，鹵北有高齋。昨日主人氏，治井堂鹵陔。
工人三五輩，輦出土與泥。到水不數尺，積其庭樹齋。
他日井甃畢，用土益作堤。曲隨林掩映，繚呂池周迴。
下太寂一作冥，窆穴上承雨露滋。寄辭別地脈，因言謝泉
扉。昇騰不自意，疇管忽已坐一作再。伊余掉行鞅，行行來自
鹵。一日下馬到此時，芳艸萋四面，多好樹。旦暮雲霞姿，
晚落花滿池。幽鳥鳴何枝，蘿幄旣已薦。山尊亦可開，
待得孤月上。如與佳人來，因之感物理。惻愴平生懷，
茫茫此群品。不定輪與蹄，喜得舜可禪。不以瞽瞍疑，
禹豈代舜立。其父吁咈哉，嬴氏并六合。所來因不韋，
漢祖把左契。自言一布衣，當途佩國璽。本乃黃門攜，
長戟亂中原。何妨起戎氏，不獨帝王耳。臣下亦如斯。

伊尹佐興王，不藉漢父資。磻溪老釣叟，坐爲周之師。
屠狗與販繒，突起定傾危。長沙啟封土，豈是出程姬。
帝問主人翁，有自夏一作賈。珠兒武昌管，男子老苦爲人。
妻蜀王有遺魄，今在林中噓。淮南雞舄藥，翻向雲中
飛。大鈞運群有難，以一理推顧于冥冥內。爲問乘者誰，
我恐夏萬世。此事愈云爲猛虎，與雙翅。夏爲副之鳳，
皇不五色聯翼上。雞棲我欲乘，鈞者竭來與我偕。浮
雲不相顧，寥泬誰爲梯。悒快疾參半，但歌井中泥。
新添集外詩

疲息

銀箭耿寒漏，金缸凝夜光。綵鸞空自舞，別鷺不相將。
寄恨一尺素，含情雙玉璫。會前猶月在，去後始宵長。

注事經春物前期託報章永令虛粲枕長不揜蘭房
覺動迎猜影疑來浪認香鶴應間露警逢蟲亦爲花忙
古有陽臺夢今多下蔡倡何爲薄冰雪消瘦滯非鄉

思賢頓

內殿張絃管中原絕鼓聲舞成青海馬鬪殺汝南雞
不見華胥夢空聞下蔡迷宸襟他日淚薄莫望賢鹵
無題

萬里風波一葉舟憶歸初罷夏夷猶碧江地沒元相
引黃鶴沙邊亦少畱益德冤竟終報主阿童高義鎮
橫秋人生豈得長無謂懷古思鄉共白頭

有懷在蒙飛卿

薄宦頻移疾當年久索居哀同庾開府瘦極沈尚書

城綠新陰遠江清返照虛所思唯翰墨從古待雙魚

春深脫衣

睥睨江鷗集堂皇海鷺過減衣憐蕙若屨障動烟波
日烈憂花甚風長奈柳何陳遵容易學身世醉時多
懷求古翁

何時粉署仙傲兀逐戎旃關塞由一作傳箭江湖莫繫船

欲收碁子醉竟把釣車眠謝朓真堪憶多才不忌肯

五月六日夜憶注歲秋与澈師同宿

紫閣相逢處丹巖議宿時隋蟬翻敗葉栖鳥定寒枝
萬里飄流遠三年問訊遲炎方憶初地頻夢碧琉璃
城上

有客虛投筆無膠獨上城沙禽失侶遠江樹著陰輕

伐必一作邊遠稽天討軍須竭地征賈生游必極作賦又論兵

如有

如有瑤臺客相難復索歸芭蕉開綠扇菡萏薦紅衣
浦外傳光遠煙中結響微良宵一寸燄回首是重幃

朱槿花二首

蓮後紅何患梅先白莫誇纜飛建章火又落赤城霞
不捲錦步障未登油壁車日鹵相對罷休澣向天涯

其二

鹵北朝天路登臨息上才城閒煙艸遍邨暗雨雲迴
人豈無端別猿應有意哀沁南予更遠吟斷望鄉臺

寓懷

綵鸞食顥氣威鳳食卿雲長養三清境追隨五帝君

煙波遺汲汲增繳任云云下界圍黃術前程合紫氛
金書唯是見玉管不勝聞艸爲迴生種香緣却死熏
海明三島見天迴九江分寒樹無勞援神禾豈用耘
鬪龍風結陣惱鶴露成文漢殿霜何早秦宮日易曛
星機拋密緒月杵散靈氲一作氣陽鳥鹵南下相思不及群

木蘭

二月二十二木蘭開坼初初當新病酒復自久離居
愁絕更傾國驚新聞遠書紫絲何日鄆油壁幾時車
弄粉知傷重調紅或有餘波痕空映襪煙態不勝裾
桂額含芳遠蓮塘屬意疎瑤姬與神女長短定何如

細雨成詠獻尚書河東公

灑砌聽來響卷簾看已迷江間風暫定雲外日應鹵

稍稍落蝶粉斑斑融鷺泥颯萍初過沼重柳更緣堤
必擬和殘漏寧無晦暝聲半將花漠漠全其艸萋萋
後別方長嘯鳥驚始獨棲府公能八詠聊且續新題

病中聞河東公樂營置酒口占寄上

聞駐行春旆中途賞物華緣憂武昌柳遂憶洛陽花

嵇鶴元無對荀龍不在誇只將滄海月長墜赤城霞

興欲傾蕤館歡一作終到習家風長應側帽獨孤景公信舉
止風流常風吹

路隘相逢狹路間
不容車樓迴波窺錦牕虛日弄紗

鎖門金了鳥屣障玉鷗又舞妙從兼楚歌能莫雜巴

必投潘岳果誰參一作禰衡
禰處士擊鼓能
為漁陽恭摺刻燭當時忝傳杯

此夕賒可憐漳浦臥愁緒獨如麻

回中牡丹為雨所敗二首

下苑他年未可追
幽州今日忽相期
水亭暮雨寒猶在
羅薦春香暖不知
舞蝶殷勤收落葉
有人惆悵臥遙帷
章臺街裏芳菲伴
且問宮甬損幾枝

其二

浪笑榴花不及春
先期零落更愁人
玉盤迸淚傷心數
錦瑟驚絃破夢頻
萬里重陰非舊圃
一年生意屬流塵一作星
前溪舞罷君迴顧
併覺今朝粉態新

擬意

悵望逢張女
遲迴送阿侯
空看小坐手忍問
大刀頭
妙選茱萸帳
平居翡翠樓
雲衣一作屏不取暖
月扇未障羞
上掌真何有
傾城豈自由
楚妃交薦枕
漢后笑藏闔
夫向羊車覓
男從鳳穴求
書成祓禊帖
唱殺畔牢

愁夜杵鳴江練春刀解石榴象牀穿幘網犀帖釘牕
油仁壽遺明鏡陳倉拂綵球真防舞如意佯蓋臥筵
篋濯錦枇杷水濺裙杜若洲魚兒懸寶劍鷲子合金
甌銀箭摧搖落華筵慘太留幾時銷薄怒從此抱離
憂帆落唬猿峽尊開畫鷁舟急絃腸對斷翦蠟淚爭
流壁馬誰能帶金蟲不復收銀河撲醉眼珠串咽歌喉
太夢隨川後來風貯石郵蘭蕙銜露重榆莢點星稠
解佩無遺跡凌波有舊游曾來十九首私讖詠牽牛

謝往桂林至彤庭竊詠

辰象森羅正鈎陳翊衛寬
魚龍排百戲劍珮儼千官
城禁將開晚宮淡欲曙難
月輪移杳詣仙路下闌干
芙蓉高禩應將陳壽酒歡
金星睽芒角銀漢轉波瀾

王母來空澗羲和上屈盤
鳳皇傳詔白獬豸符朝端
造化中台座威風大將壇
甘泉猶望幸早晚符呼韓

燒香曲

鈿雲蟠蟠牙比魚孔雀翅尾蛟龍鬚
漳宮舊樣博山鑪楚媯捧笑開芙蓉
八蠶繭絲小分炷獸燄微紅隔雲母
白天月澤寒未冰金帟含秋向東吐
玉珮呵光銅熒昏簾波日算衝一作依斜門
鹵來口一作欲上茂陵樹柏梁已失栽
枇杷魂露庭月井大紅氣輕衫薄細當君意
蜀殿瓊人伴夜深金鑿不問殘鐙事
何當巧吹君懷度襟灰爲土填清露

送從翁東川弔農尚書幕

管帶迴冲眷維皇側上仁三靈迷赤氣
萬彙叫蒼旻

刊木方隆禹陞而始創躬夏臺曾圮閉汜水散逡巡
拯溺休規步防虞要徙薪蒸藜今得請宇宙昨還淳
纘祖功宜急貽孫計甚勤降災雖代有稔惡不無因
宮掖方爲蠱邊隅忽違迤獻書秦逐客間謀漢名臣
北伐將誰使南征決此辰中原重板蕩玄象失鈞陳
詰旦違清道銜枚別紫宸茲行殊馱勝故老遂分新
太異封於鞏來寧避處幽永嘉幾失墜宣政遽酸辛
元子當傳啟皇孫合授詢時非三揖讓表請再陶鈞
舊好盟還在中樞策屢遵蒼黃傳國璽違遠屬車塵
雛虎如憑怒黎龍性漫馴封崇自何等流落乃斯民
逗撓官軍車亂優容敗將頻早朝披艸莽疲絕達絲綸
忘戰追無及長驅氣益振婦言終未易廟略況非神

日馭難淹蜀星旄要定秦人心誠未去天道亦無親
錦水湔雲浪黃山掃地春斯文虛夢鳥吾道欲悲麟
斷續殊鄉淚存亾滿席珍蒐季羔竇衣化子張紳
建議庸何所通班管濫臻浮生見開泰獨得詠汀蘋
晉昌晚歸馬上贈

勇多侵路太恨有礙銜還嘆自微微白看成沓沓
坐來疑一作疑忘物外歸公有簾間君問傷春句千辭不可刪

哭虔州楊侍郎

虞卿

漢網疎仍漏齊民困未蘇如何大丞相翻作弛刑徒
中憲方外易史記云商鞅多在邊外易尹京終就拘本矜能弭謫先議
取非辜巧有疑胎密功無一柱扶深知獄吏賢幾迫
季冬誅叫帝青天濶辭家白日晡流亾誠不弔神理

若為誣在管恩知忝諸生禮秩殊入韓非劍客過趙
受鉗奴楚水招魂遠邛山卜宅孤甘心親埋蟻旋踵
戮城狐是冬舒李伏易陰隲今如此天災未可無莫憑牲玉請
便望救集枯

寄太原盧司空三十韻

隋艦臨淮甸唐旗出井陘斷鼉搗四柱卓馬濟三靈
祖業隆盤古孫謀復太庭從來師傑俊可以煥丹青
舊族開東岳雄圖奮北溟邪同獬豸觸樂伴鳳皇聽
酣戰仍揮日降妖亦鬪霆將軍功不伐林明德唯馨
雞塞誰生事狼煙不暫停擬填滄海鳥敢競一作太陽
營內艸纔傳詔肯茅已勒銘那勞出師表盡入大荒
經德水縈長帶陰山繚画屏一作祗一作憂非縈肯未覺有

臙腥保佐資冲漠扶持在杳冥乃心防暗室華髮稱

明廷按甲神初靜揮戈思欲醒義之當妙選小弟義叟早蒙眷以嘉姻

孝若近歸寧三十五文明府高科來歸膝下月色來侵幌詩成有轉櫺羅含

黃菊宅柳暉白蘋汀神物龜酬孔仙才鶴姓丁鹵山

童子藥太一作南極老人星自頃徒窺管于今愧挈瓶何

由叨末席還得叩玄扃莊叟虛悲雁終童漫識鼉幕

中雖策畫劍外且伶俜僕僕行忘止鰥鰥臥不與身

應瘠于魯淚欲溢為榮禹貢思金鼎堯圖憶土銅公

乎來入相王欲駕云亭

安平公詩故贈尚書諱氏

丈人博陵王名家憐我總角稱才華華州留語曉至
算高聲喝吏放兩衙明朝騎馬出城外送我習業南

山阿仲子延一作廷岳年十六面如白玉歆烏紗其第炳
 章猶兩川瑤林瓊樹含奇花陳留阮家諸姪秀邈迤
 出拜何駢羅府中從事杜与李麟角帛翅相過摩清
 詞孤韻有歌響擊觸鍾磬鳴環珂三月石堤凍銷釋
 東風開花滿陽坡時禽得伴戲新木其聲尖咽如鳴
 駉一作馬梭公時載酒領從事踴躍鞍馬來相過仰看樓殿
 撮清漢坐視世界如恒沙面熱脚掉互登陟青雲表
 柱白雲崕一百八句在貝葉三十三天長雨花美一作長
 者子來輒獻蓋辟支佛太空留韡公時受詔鎮東魯
 遣我艸詔隨車身顧我下筆卽千字疑我讀書傾五
 車嗚呼大賢苦不壽時世方士無靈砂五月至止六
 月病遽頽泰山驚逝波明年徒步弔京國宅坡子毀

哀如何鹵風衝戶卷素帳隙光斜照舊鸞窠古人常
 歎知己少况我淪賤艱虞多如公之德世一二豈得
 無淚如黃河瀝膽呪願天有眼君子之澤方滂沱

赤辭

折戟沉沙鐵未消自將磨洗認前朝東風不与周郎
 便銅雀春深鎖二橋

坐柳

坐柳碧髯茸樓昏雨帶容思量成夜夢東久廢春慵
 梳洗憑張敞乘騎笑稚恭碧虛隨輔笠紅燭近高春
 怨一作目明秋水愁眉淡遠峰小闌花盡蝶靜院醉醒蚤
 舊作琴臺鳳今為藥店龍寶奩拋擲久一任景陽鍾

清夜怨

含淚坐春宵聞君欲度遼綠池荷葉嫩紅砌杏花嬌
曙月當牕滿征雲出塞遙畫樓終日閉清管爲誰調

定子

檀槽一抹廣陵春定子初開睡臉新却笑喫虛隋煬
帝破家亡國爲何人

李義山集下

